



BODOSA ★ A Bodo News Daily ★ Monday ★ 19 May, 2025 Kokrajhar, BTC, Assam ★ Vol.-35, Issue No. 54 ★ R.N.I. Regd.No. 40994/91, Assam Govt.Regd.No.IPRD.40/2006/3, Rs.8/-

সানসেয়ারি “বড’সা” খ্রীর্লাইয়াব
স্মাজ্যায়ি জিউজোঁ লোব্বা থানায় রাযথায়, স্ৰন্থায়,
স্কল’, স্কল’বাতা আরো দাববায়ি থাবনি, পার্ক
বাইদি নি স্নায়ব লির্নায় লির্বিদোঁ দৈথায় হর্/
সানসেয়ারি “বড’সা” খ্রীর্লাইয়াব স্বেবস্ৰান্নোঁ
ফোবাব্বোঁ/
বড’স্নায়ব লির্হর্নায়নি হুহা স্ৰালাম,
“বড’সা” খ্রী নোঁথোঁ, জোঁ বয়বোঁ আঁগো স্ৰালাম।
সানসেয়ারি “বড’সা” মাঝখলি
মাঝব নোঁগো, জোঁহোলাব দৈমালু লামা
কক্ৰাঙ্গার, বিটসি-783370
Website: www.bodosanewspaper.com

গসাঈগাবআব বড'ফানি মুসুখা বেখেবদোঁ

**বড'ফানি আদর্শআ জোঁখৌ গোৰোব-
লায়নায়নি লামা দিব্খিযো: প্রমদ বর'**



গসাঈগাব, 18 মে: বিটআরনি গাহায় মাঝফুঁ সোদ্রোমা প্রমদ বর'আ দিনে "বর' বিজোঁ সান" খৌ লোব্বা লানানৈ কক্ৰাঙ্গার জিল্লানি সিঙাব থানায় গসাঈগাব আরো বিনাখাতাআব গুঁই পার্কখৌ আলাদা-আলাদায় বেখেবনা হোদোঁ। ফুঁনি 10:30 সিংগায় বিনাখাতাআব উস্তাদ-জোঁহোলাব পার্কখৌ গোথারৈ বেখেবনায়জোঁ লোগোসে বর' জোঁহোলাব নিলেশ্বর ব্রহ্ম আরো উস্তাদ কামিনী কুমার নাজারিনি মুসুখাখৌ বেখেবনা হোদোঁ। বেনি উনাব গসাঈগাব সদর সহরনি গেজেরব থানায় গথ'সা পার্কখৌ বেখেবনায়জোঁ লোগোসে বড'ফা উপেন্দ্র নথ ব্রহ্মনি মুসুখা বেখেবদোঁ। বিথাঙা খৌঁ বজোঁনি সিগাঙাব বর' হারিনি থামোন্থা রেখাথিনি সোমাবসায়াব গোবাঙানোঁ বিহোমা হোদোঁ। জোঁহোলাব নিলেশ্বর ব্রহ্ম আরো উস্তাদ কামিনী (□ 6 বিলাইআব)

মন্থি উর্খাব গোৰা ব্রহ্মআ চিরাংআব গেলেমু মুবা আরো জিমনি আগজু রান্দোঁ



বিজনি, 18 মে: চিরাং জিল্লানি জিল্লা বঁগিরিনি মাঝখ'নি সাবরায় নল্লাংআব খুঁফুঁনায় মোনসে জ'খা হাবাফারিয়াব আসামনি কেবিনেট মন্থি আরো চিরাং গার্জেন মন্থি উর্খাব গোৰা ব্রহ্মআ দিনে গেলেমু মুবা-বেসাদ আরো জিমনি আগজু রান্নানৈ হোযো। কক্ৰাঙ্গার লক সধা বিয়াবনি এম পি জয়ন্ত বসুমতারাী আরো জিল্লা ক মিসনার জতিন বর'নি

নুজাথিনায়াব চিরাং জিল্লা গেলেমু আফাদ আরো ফেরেংগা কলাবনো গোদান গেলেমু মুবা-বেসাদ আরো জিমনি আগজুফোরখৌ রান্নানৈ হোযো। আনসোলনি গেলেমু বিথিংখৌ গোখোঁ খালামনায় আরো এথলেটিক গেলেমুফোঁরাব লাঈমোঁফোরনি বাহাগো লানায়খৌ বাঁহোনায় থাংখিজোঁ গেলেমু মুবা-বেসাদফোরখৌ রান্দোঁ। বে হাবাফারিয়াবনো ডিলেমসিনি সোদ্রোমাফোরজোঁ লোগোসে চিরাংনি জিল্লা কমিসনার জতিন বর, লোগো কমিসনার, ডিআরডিএনি পিডি, সিদলী বিডিঅ' আরো চিরাং জিল্লা গেলেমু আফাদ আরো ফেরেংগা কলাবনি থান্দেফোঁরা বাহাগো লায়ো। □

কক্ৰাঙ্গারনি গাহাঈ হাথাঈসালিয়াব 1.25 কৌটিং রাং বাহায়নানৈ গোদান মুগানি খাবু গোনাং না হাথাযসালি ন' বেখেবদোঁ



কক্ৰাঙ্গার, 18 মে: বিটআরনি সদর কক্ৰাঙ্গার সধরআব থানায় সানফ্রামবোনি আরো সপ্তাহয়ারি হাথাযব দিনে হাবাফারি বায়দিয়ৈ গোদানৈ লুজানায় 2 থাখোনি বিল্ডোঁ না ফানগ্ৰা হাথায ন'খৌ গোথারৈ বেখেবনায় জাবায়। মখ'নো গোনাংদি, বিটআরনি গাহায় মাঝফুঁ সোদ্রোমা প্রমদ বর'আ হাবাফারি বায়দিয়ৈ গোথার থাসারিনি গেজেরজোঁ গোজা ফিথা হাস'নানৈ না ফানগ্ৰা ন'খৌ গোথারৈ বেখেবনা হোযো। মখ'নো গোনাংদি, 1 কৌটিং 25 লাখ রাং বাহায়নানৈ কক্ৰাঙ্গারনি নোঁগো আফাদআ লুনায় গোদান মুগানি খাবু গোনাং গোদানৈ (□ 6 বিলাইআব)

চিরাং জিল্লা বর' থুনলাঈ আফাদআ বর' রাতখৌ নেবসিনায়নি অজদ দৈখাংদোঁ

জিল্লা আফাদনি বান্জায়নায়াব বর' বিজোঁ সান ফালিদোঁ

বাসুগাব, 18 মে: বায়দি জেনা-জেন্সিনি গেজেরজোঁ 1963 মাযথায়ব বর' বিজোঁ সান সর্কারি মহের গনায়থি মোনদোঁ। বে সর্মনিফ্রায়নো গোবাঁ জেনা-জেন্সি, হোবথাজানাযখৌ নেবসিনানৈ বর' বিজোঁখৌ জোঁগাখোঁহোনায়ব মোগা-মোগি জাবোনাযনি সোমোন্ডৈ চিরাং জিল্লা বর' থুনলাঈ আফাদআ মোনসে খৌঁগিরি মেলনি গেজেরজোঁ গুবারে বিবুথি লাখিদোঁ। 2003



মাযথায়নি বিটসি রাদায়নি গেজেরজোঁ বর' রাতখৌ সর্বিজনি 8 থি ফারিয়াব থিসনান্নৈ আসামনি লোগো রাত মহের মান হোনায় জাদোঁ। থানায় 2020 মাযথায়নি 27 জানুৱাৰিআব আসামনি রাজখাথি, সোলোঁথাঈ, খুঁথাঈ,

থিসন্থায় বায়দিয়াব বর' রাত বাহায়নো থাখায় আসামনি লোগো রাত মহের দফা নং- 6.2 নি এমএসআব মখ'নায় জাদোঁ। থেবল্লাবো আসাম সরকারআ বেবায়দি রহাখৌ নেবসিনানৈ থানায় (□ 6 বিলাইআব)

বড'লেণ্ড মুলুগ সোলোঁসালিনি বর' বিফানআ বর' বিজোঁ সান ফালিদোঁ



কক্ৰাঙ্গার, 18 মে: দিনে 18 মে বর' বিজোঁ সাননি দুলায়য় রাঈজ্যো নাঈ গুবুন-গুবুন জিল্লাফোঁরাব বায়দি বায়দি হাবাফারিজোঁ ফালিনায় বায়দিনো কক্ৰাঙ্গারনি দেবোঁগাবআব থানায় বড'লেণ্ড মুলুগ সোলোঁসালিনি বর' বিফাননি বানজায়নায়াব সানসেনি হাবাফারিজোঁ বর' বিজোঁ সানখৌ মেহেসোনাঈ ফালিদোঁ। বর' বিজোঁ সান ফালিনায় হাবাফারি বায়দিয়ৈ গিবি গিবিয়াবনো আলারি (□ 6 বিলাইআব)



বড'সা থান্দৈ/মুসলপুর, 18 মে: দিনে 18 মে থামহিবা বর' বিজোঁ সান। মিরোঁ-জিরোঁ জালাংনায়, গোমালানোঁ হমনায় বর' বিমানি রাত, বর' রাতখৌ ফোথানা লাখিনো

থাখায় থানায় 1952 ই মাঈথায়নি 16 নম্বেবরআব বর'নি মেলেমজিবি সানসুমে বিথামোনা বর' থুনলাঈ আফাদখৌ দানায় জাদোঁ মোন। বর' থুনলাঈ (□ 6 বিলাইআব)

তামুলপুর জিল্লা বর' থুনলাঈ আফাদআ মেট্রিক আরো এডুস.এস. আন্জাদাব সেথি মাসিয়াব উথিসারনায় ফরায়সাফোরখৌ বরায়দোঁ

বড'সা থান্দৈ/তামুলপুর, 18 মে: দিনে 18 মে এবা বর' বিজোঁ সান। থানায় 1963 মাঈথায়নি 18 মে খালার এবা দিনেনি সানাবনো বর' বিজোঁজোঁ বর'ফোঁরা গুদি সোলোঁথাঈখৌ লানোঁ খাবু মোনজেন্দোঁ মোন। দিনেনি বে (□ 6 বিলাইআব)



দিল্লীনি থাগিবি বর' ফোঁরাবো দিল্লীয়াব বর' বিজোঁ সান ফালিদোঁ



গোদান দিল্লী/কক্ৰাঙ্গার, 18 মে: হাদরনি রাজথাবনি গোদান দিল্লীআববো দিনে দিল্লী

এনসিআর বর' থুনলাঈ আফাদনি বান্জায়নায়াব 18 মে, অক্ট' খালি বর' বিজোঁ সান ফালিদোঁ। (□ 6 বিলাইআব)

রাঈজ্যো বঁগিরিনি ফোসাবথায়নি হেঁথায়ৈ জ'নাঈ জিল্লা, সিমেণ গুদি বর' শুনলাঈ আফাদ আরো জ'নাঈ গুদি বর' শুনলাঈ আফাদনি খৌঁগিরি মেল

সিমেণ সাপরি, 18 মে: জ'নাঈ জিল্লা বর' থুনলাঈ আফাদ, সিমেণ গুদি বর' শুনলাঈ আফাদ আরো জ'নাঈ গুদি বর' শুনলাঈ আফাদনি বান্জায়নায়াববো দিনে 18 মে, বর' বিজোঁ সান ফালিদোঁ। বর' বিজোঁ সান ফালিনায়নি লোব্বায়ৈনো দিনে জ'নাঈ জিল্লা, সিমেণ গুদি বর' শুনলাঈ আফাদ (□ 6 বিলাইআব)



2025-28 বোসোরনি থাখায় গুরুদেব কালিচরণ ব্রহ্ম ট্রাস্টনি গোদান আফাদ দাবায় আফাদগিরি মহের ড° অজিত বর' আরো গাহাঈ নেহাথারি মহের ড° রতনলাল ব্রহ্মখৌ সাঈখ 'বায়

কক্ৰাঙ্গার, 18 মে: দিনে 18 মে দান, অক্ট' খালি বরপেটানি বড'লেণ্ড গেট হাউসআব গুরুদেব কালিচরণ ব্রহ্ম ট্রাস্টনি 2025-28 বোসোরনি থাখায় গোদান বিবানগিরিফোরখৌ সাঈখ'নানৈ গোদান আফাদ দানায় জায়ো। (□ 6 বিলাইআব)



বাতৌ আশ্রম জথাঈ আফাদআ মেট্রিক আন্জাদআব টপ-10 মাসি আবগিরনো হানায় ফরায়সাফোরখৌ মান বাউদোঁ

সালবারি, 18 মে: বাক্সা জিল্লানি বেন্দোঁআব থানায় সাবদুৰ্ভিত্থা বাথৌ আশ্রম ফরায়সালিয়াব দিনে বাথৌ আশ্রম জথাঈ আফাদআ সানসেনি হাবাফারি লানানৈ আশ্রম জথাঈ আফাদনি বেন্দোঁআব থানায় আশ্রমফোরনিফ্রায় দেগ্লায়নি 2025 ই মাঈথায়নি গোজোঁ ফরায়সালি জোবথা আন্জাদ এবা মেট্রিক আন্জাদআব সেথি থাখো, স্টার আরো ডির্টিসন নম্বর লানানৈ উশ্ঠিনায় ফরায়সাফোরখৌ বরায়নায় হাবাফারি লানায় জাদোঁ। বে (□ 6 বিলাইআব)



সালবারিআব বর' শুনলাঈ আফাদআ বর' বিজোঁ সান ফালিদোঁ

বর' বিজোঁখৌ সরকারআ সিলিংখার খালামনায়নি খৈসার সানায়নি হেঁথায়ৈ সোমাবসায়াবখৌ গোখোঁ খালামনায় জাগোন: শুনলাঈগিরি দমবরুধর বসুমতারাী

ধবানিপুর, 18 মে: সালবারি জিল্লা বর' শুনলাঈ আফাদনি বান্জায়নায়াব সালবারিনি সাখাথি সাঈতানগুরিনি জে বি হাগজের গোজোঁ গেজের ফরায়সালিনি লোগোনায়াব দিনে সানসেনি হাবাফারিজোঁ 63 থি বর' বিজোঁ সানখৌ ফালিদোঁ। সানসেনি হাবাফারিজোঁ খুঁনায় বর' বিজোঁ সানাব ফুঁ সমাব বর' শুনলাঈ আফাদনি ফিরাফিলাখৌ সালবারি জিল্লা বর' শুনলাঈ আফাদনি আফাদগিরি দমবরুধর বসুমতারাীআ বিরহোদোঁ। গোসোখাং মান বাবনায় হাবাফারিখৌ লেঙাঈ আফাদগিরি সসিন্দ্র সর্গীয়ারিআ বেখেবদোঁ। বিফাং ফুলি গাননায়, জে বি হাগজেত গোজোঁ গেজের ফরায়সালিনি গাহায় ফোঁগিরি মনেষ্বর বর'আ সানজোঁফুঁনিফ্রায় সালবারি জিল্লা বর' শুনলাঈ আফাদনি আফাদগিরি আরো মুঁদাংখা শুনলাঈগিরি



দমবরুধর বসুমতারাীনি সামলায়নায়াব "বর' বিজোঁ সান আরো আথিখালাব বর' বিজোঁনি থাসারি" আয়দাফারিখৌ লানানৈ মোনসে সাবরায়জথুম খুঁনায় জাদোঁ। বর' (□ 6 বিলাইআব)

ইউপিপিএলনি দৈদেণিগিরি অশক গয়ারিআ গোঁরিব নখ'গনি ফরায়সাফোরনো গংখাথি অনসুঁথাঈ হোদোঁ

কক্ৰাঙ্গার, 18 মে: ইউপিপিএলনি দৈদেণিগিরি অশক গয়ারিনি মোনসে বাখনায়থাব খামানি। দেগ্লায়নি 2025 ই মাঈথায়নি মেট্রিক আরো হায়ার সেকেন্ডারি জোবথা আন্জাদআব উশ্ঠিনো হোনায় গোঁরিব নখ'গনি ফরায়সাফোরনো গংখাথি অনসুঁথাঈ হোদোঁ অশক গয়ারিআ। ফরায়সাফোরখৌ থুংগা হোনায় আরো হেফাজাব হোনায়নি অসিলায়ৈ দিনে সা 50 নি বাঁসিন গোঁরিব ন'খরনি ফরায়সাফোরনো গংখাথি অনসুঁথাঈ হোনায় জাদোঁ। মখ'নো গোনাংদি, কক্ৰাঙ্গার জিল্লা ইউপিপিএল মেডিয়া সেলনি কনভেনর অশক গয়ারীখৌ দাসান্দি সুবুঁ অনসায়লু খামানি মাঝগাসিনো থানায়খৌ নুনো (□ 6 বিলাইআব)



सुजुगिरिनि खोलोम

ना-साम' खांखाइ

सिगां समफ्राव हाख 'र-हाला, गरखायनिफ्राय लानानै दैमा-दैसा, बिलो, फुखि, जाम्फै, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो थेनानै दै सोनानै आबादनि थाखाय गाहाम खालामनानै लानायमोन। बेफोरबादि ओन्सोलानवो ना-साम', खांखायनि आंखाल नुजायामोन। मोनफ्रोम दै थानाय हाख 'र-गरखाय, दैसा, जाम्फै बिलो आरो ओरैनो बोहेलांगारनाय दैफ्रावबो ना-साम'-खांखायनि आंखाल नुजायामोन। खालिबोल' गोनांथि जायोमोन हमनानै लाबोनायनि। ना हमनो थाखायबो गोदो-गोदायनिफ्राय बाहायनानै फैनाय सेन, खखा, खाखि, जेखाइ, पल' फोरजॅनो सानानै हमनानै सल, बार्लि, नास्राइ, बोथिया, सिंगि-मागुर, थुरि-बामि, फिथिखि-मावया ना एग्रे-बेग्रे मोन्नाय आरो मोनजानायनि बोथोरा माबा लांखायावबो गोमालांबाय। आधिखालाव दंसै टाउन-सहर, हाथाय-बाजाराव दाब-दाब राइज्यो आरो बिलोफोरनिफ्राय लाबोनाय नाफोरजॅनो ना ओंखिनि आइटेमखौ फोलोमनांगौ जानानै फैयो। सुबुं देहानि थाखाय नानि गोनांथियाबो एसेल' नडा। नाथाय मोन्नांगैयासो गोब्राब जानानै फैबाय। नानि आंखाल फोलोमनो राइज्योयाव बोसोरे बोसोर गुबुन गुबुन राइज्योनिफ्राय लाबोनानै नानि आंखालखौ फोलोम फैनाय जायो होनानै मिबथि मोनो।

ना-साम'-खांखाय गोमालांनयनि जाहोन एबा जोबनानै थोक्ले-माक्ले जानायनि गुदिखौ गोबाडानो बाइदिसिना जाहोन आरो बिजाउन होन्नानै फोरमायबोदों। बेफोरनो जाहैबाय दैसा-जाम्फै, बिलो, हाख 'र-हालाफ्रा लासैयै सानफा-एफा खोखांबोनानै दै थायै जानाय आरो बिलो बेहेर बारिफ्रा गोमालांनयजों लोगेसे बेफोरनि बांसिनो दड्क्लाबो दै गैयै थायै जानानै फैनाय। दै गैयाब्ला ना-साम'-खांखायफ्रा बबेनिफ्राय थाफैनो आरो बोरै फोलेर एरनो। फासैंथिं मिथिंगा बिखायाव सिगांनि बादि अखादैजॅं आबुं जानानै थालिया। दैज्त्तां बोथोराव अखा हानानै थानाय दैयाबो दैज्त्तां बारनाय लोगो-लोगोनो राननानै गोरान जालाडो। गुबुन मोनसे जाहोनखौ दैज्त्तां हाबनाय लोगो लोगो अखा हादैनि जावरिनायजों जेराव बिलो,दैसा-जाम्फैफोर दं बेफोर दैसा बिलोफ्राव फुवान होनाय ना आरो बिदै गोनां नाफोरखौ गोबों जेजों बोखानाय आरो मुलि-बिषो होनानै हमनायाव नानि जोलै एरनायाव हेंथा फैनायखायनो ना-साम' खांखायनि बिबाड सानफा-एफायैनो बाडाय जाबोनानै आंखालनि महर लाफैदों। मिथिंगा बिखाया बिफां-लाइफां, हाग्रा-बंग्राजों थाजिम सोमखै महरै थायोक्लासो अखा-बांखा हानाय आरो बैसोमुथि बिखाया थाजिमै-थानो हागोन। अब्बासो दैसा, बिलो हाख 'र, हाला, जाम्फैफ्रावबो दै बोहैगोन-ना साम', खांखाय आरिफ्राबो दैयाव थानानैनो फोलेर एरहोनायनि खाबु मोनगोन अब्बासो फारफ्रोम बिथिनि थाथाया सरासन्झायाव फैफिनगोन। ना-साम'-खांखायनि आंखालखौबो एफा-एनैयै फोलोमनायनि लामा मोनफिन्नयनि राहा थाहैगोन।□

दिनैनि फान्जामुथि

राशि बाइदियै मुंनि गिबि हांखो

मेष : अ ल	वृष : ऊ ब (उ ए इ)	मिथुन : क छ (ड घ)
कर्कट : ड ह	सिंह : म ट	कन्या : प ट (ण ष)
तुला : त र	वृश्चिक : ब न	धनु : ध भ (ढ़ फ)
मकर : ख ज	कुम्भ : ग श (स)	मीन : द च (ख ज झ)

मेघ

मेघ: सोरजोंबाफोर लोगो हमनो गोनां दंबा हमहैनो हागोन। सान्नाया जाफुंगोन।

वृषः

वृष: जेखि जाया बेरामआव गोलेलैबायनो हागौ। देहाखौ सांग्राडै लाखि।

मिथुनः

मिथुन: जेरावबो धैज्य गैयै जालांगोन। गोसोखौ सांग्राडै लाखि।

कर्कटः

कर्कट: बायदिसिना सान्नानै गोसोआव गिखांनाय मोन्नो हागौ। गोसोखां लोरबां लानो नाड।

सिंहः

सिंह: बेफार फालांगियाव रंखावरि मुलाम्फा मोन्नो हागोन। गोसोखौ गोजोन मोनगोन। मोजां सान।

कन्याः

कन्या: जेखि जाया रेंग 'थिनि थाखाय सन्मान मोन्नो हागोन। फारफ्रोमथिंबो मोजां। गोजोन मोनगोन।

तुलाः

तुला: नख 'र संसार जानायाव गोजोन्नाय गैयै सोमजिनो हागौ। जेखिजाया गोसोखौ हमथा।

वृश्चिकः

वृश्चिक: बेराम गोनां सुबुडा सांग्राडै बोसोन मानिनांगोन। जेरावबो बेरयदिङैयानो मोजां।

धनुः

धनु: मावनाय दानायजों मुखुब जानानै थानांगोन। गोसो हमथानानै थानांगोन।

मकरः

मकर: जैरेबो जिउ राहा लामाखौ मोनफिन्नो हागोन। गोसोखौ गोजोन मोनगोन।

कुम्भः

कुम्भ: गावनि धोनफोरखौ लानानै गोसोआ गोरा जानो हागोन। फारफ्रोमथिंबो मोजां।

मीनः

मीन: जेबो जेंना-जेंसि गैयै शान्तियै थानो हागोन। फारफ्रोमथिनिफ्रायबो मोजां।

बर'राव आरो बर' बिजों

फैलाव ब्रह्म तामुलपुर

बर' बिजों सानजों लोब्बा लाखिनानै बर' राव आरो बर' बिजोंखौ फोथानानै लाखिनोब्बा बर 'फोरादि सांग्रां जानांगौ बेनि बागै फनैसो बुंनो सानबाय। बर' थुनलाइखौ फेहेरनो जुनै बर' हरिया गावसोरखौ बावसोमनो गोनां गोबां दंबावो। मानोना बर 'फोरनि बावसोमनायजोंसो बर' थुनलाइनि जोनोमा जादोंमोन। बेनिखायनो बर' हरिनि बावसोमनो हानायजोंसो बर' थुनलाइनि थानानै थानाय आरो गेवसारनाया सोनारगोन। गाहायाव मुंख 'नाय पइन्टफोरखौ बर 'नि सानसुमै,गौथुम आरो सरकारा आइननि महर होयोब्बा बर' राव जौगानायाव द्लामैनो मदत जागोन होन्नानै आं सानो।

1.बर' नडैफोरा बर' रावखौ सोलोंनो सुबिधा जानाय बायदियै बिटिचिनि गंग्रामबो सरकारि आरो बे-सरखारी असमीया बिजोंनि फरायसालीफोराव गांफायै बर' आयदा थिसन नांगौ। लोगोसेनो बिटिचिनि बायजोनि असमीया बिजोंनि फरायसालीफोरावबो उफेरा आयदा महरै बर' आयदाखौ सोफानो नांगौ। भ्राइभेट फरायसालीयावबो बे एखे खान्थिखौनो खालामनांगौ।

2.बर' रावआ द 'थि फारिलायाव हाबदोंब्बाबो बेनि गोसारनायखौ गुबुन हारिफोरनि सायाव सोनारनो हाया। मानोना बिसोर हागौमानि बर' रावनि गोजानावसो थानो लुबैयो। बेनिखायनो बर' रावखौ गोसार होनायनि थांखिजों बिटिचिनि मावख 'फोराव आरजलाइफोरखौ बर 'फोरा बर' रावजोंनो लिरनांगौ। बर 'फोरा

बर' नडैफोरजों बाभ्रा राइज्याइनाय समाव बर' राव एबा बर' सोदोबखौ बाहायनो नांगौ अब्बासो बर' रावनि गोनांथिखौ बिसोर सानगोन आरो बर' रावखौ सोलोंनो नाजगोन।

3.बिटिचि ओनसोलाव खुंनाय मेल-मिटिफोराव बर' दैदेनगिरिफोरा 50 जौखोन्दो बर' सोदोब बाहायनानै बिबुंथि लाखिथारनांगौ। बेबो मोनसे बर' रावखौ फोथानाय आरो फेहेरनायनि खायदा। नाथाय दुखुनांथाव बाभ्रादि हारिनि हाबा मावथों होन्नानै हारिजों दैथाय हरजानाय खायसे बर' दैदेनगिरिफोरा 100 जौखोन्दो असमीया राव बाहायनानै बिबुंथि लाखिनाय नुनो मोनदों।

4.बिटिचि ओनसोलाव मावनाय बर' नडै साखिआवलाफोरा मावख 'फोराव बर' राव रायनायाव जेंना मोनै बायदि बिसोरनो बर' रावनि ट्रेनिं कर्च होनांगौ। मानोना बिसोरो 100 जौखोन्दो असमीया बुंनानै गावसोरनि थामोन्थाखौ (अस्थित्वखौ) फोथानानै लाखिनो नाजानाय नुनो मोनो। जाहोनाव बर' रावारीफोरा बिसोरखौ बुजिहोनो नाजानानै गावनि रावखौ दोन्थ 'नानै बिसोरनि रावजों बाभ्रा बुंनांगौ जायो। बिदिनो बर' रावा गोम्लैसोनानै थालाडो।5.रावआ बायदि हारिनि गेजेराव गोरोबलाइनाय आरो फोथायलाइखौ बांहोयो। आगोल बर' बिजोंनि फरायसाफोरनो असमीयानि गांसे आयदा फरायनो होयोमोन। बर 'फोरा असमीया राव सोलोंनयनि बेयो मोनसे मोजां खाबुमोन। नाथाय एबसु आरो बर' थुनलाइ आफादा बेखौ बोखांफिननानै लानायनि जाहोनाव बर' बिजोंनि फरायसाफोरा फरायसालीयाव असमीया सोलोंनयनि खाबु गैला। आं सानो बर' गौथुमफोरा बेखौ लाबोनो सानफिननांगौ। मानोना 70जौखोन्दो

इसर'आ इअएस-09 सेटेलाइट लन्चिंआव फेलें जानांदों

श्रीहरिकटा, 18 मे: इसर'आ गावनि 101 थि जारिमिनारि लन्चिंनि समाव गिदिर फेलें जानांदों। इसर'नि आफादगिरि भि नाययननआ बुंदोंदि, भारतीय अख्रंमा संदानग्रा आफाद (इसर') आ 101 थि मिसन इअएस-09 खौ लन्च खालामनायनि माखासे सम उनावनो फेलें जानांदों।लन्चिंनि थामथि खोलोबनि समाव मोनसे टेक्निकी जेंना जानानै मिसनआ फेलें जायो।इसर'आ दिनै रबिबारखालि



पिएसएलभिंसि 61 रकेटजों बुहुमखौ नायबिजरग्रा सेटेलाइटखौ लन्च खालामनो

हायाखिसै।मानोना बेनि थामथि खोलोबआव माखासे टक्किनकी जेंना नुजाथिदोंमोन। अपारेसन

सिन्दुर जाफुंसारनाय आरो पाकिस्ताननो बेनि जायगाखौ दिन्थिनयनि उनाव भारतआ

नागालेन्डआ हाइ कर्ट लुफुंजोबनायनि थाखाय 300 कौटि रांनि गोनांथि दंबावो: नेफिउ रिय

कहिमा, 18 मे: नागालेन्डनि गिबि मन्थि नेफिउ रियआ दाबि दैखांदोंदि, राइज्यो सरकारआ कहिमानि साखाथि मिरिमायाव गोदान हाइ कर्ट लुनायाव 200 कौटि रांनिबो बांसिन खरसा खालामबाय। राइज्योआ बे सुबिधाखौ आबुं खालामनो थाखाय उफ्रायै 300 कौटि रांनि गोनांथि जाबावगोन, जेराव स्टफ क्वार्टर लुनायाबो दंफायो। बिथाड बे बिबुंथिखौ हाइ कर्ट बार एस 'सिएसन (एइससिबिए), कहिमाआ खुंनाय मोनसे बिफां गायनाय



हाबाफारिनि समाव होयो। रियआ मिरु सरकारनि रंखास्थि मददनि खम जासेयावबो बिथांथिखौ आबुं खालामनो राइज्यो सरकारआ बिबान दड होन्नानै बुडो। बिथांनि

मिथिहोनाय बादिब्बा, आसाम, मेघालय, त्रिपुरा आरो मनिपुर बादि गुबुन सा-सान्जा राइज्योफोर हाइ कर्ट भवन लुनायनि थाखाय भारत सरकारनिफ्राय 100 जौखोन्दो फन्डिंमोन्दों, नाथाय नागालेन्डआ

गावनि प्रजेक्टनि थाखाय बेबादि जेबो मदद मोनाखै। गिबि मन्त्रिआ रायखांदोंदि, बिथाड सिगाडव नख 'र मावख 'निसिम आर'ज गाबदोंमोनदि, संसदआव मोनसे सोदांनाय बिथांखि दिन्थिनांगौ, जाय नागालेन्डखौ गंसे आलादा हाइ कर्ट लुनायनि गनायथि होगोन। बे दाबिखौ बै समसिम खालामबाय थागोन, जेब्बासिम थार बिजिरनायखौ मोना। रियआ बेखौबो आसा फोरमायोदि, हाइ कर्ट बाउन्डारिआ जेब्बा आबुं जागोन अब्बा बेयो मोनसे एरैबादि जायगा जागोन जेराव न्यायखौ गाहामै खालामनो हागोन आरो समाजआव गोजोनआ फैगोन।□

पाकिस्तानआ गुबुन हादरयारि थान्दै हान्जा दाबाय



इस्लामाबाद, 18 मे: भारतनि अपारेसन सिन्दुरआ उतखारिफोरखौ गोखों खहा खालामनो हादों आरो बेयो जाफुंसारनायनि उनाव भारत सरकारआ पाकिस्तानखौ लानानै मुलुगनां थाखोआव उतखारिनि आयदाखौ लानानै बिसोरनि गुबै महरखौ सोराडव लाबोनायनि प्लान थियारि खालामदों। भारत सरकारआ सा 40 एमपिफोरनि मोनसे हान्जा दाबाय, जायखौ मोन 7 डिलेगसनआव रान्नाय जादों। भारतनि सा 40 एमपिफोरनि बे टीमआ मुलुगनि

गुबुन गुबुन हादरफोराव दावबायगोन आरो मुलुगनां जौसाडाव बिसोरखौ पाकिस्तानआ माबोरै उतखारिनि मिरु जानानै दड बेखौ दिन्थिगोन। भारतनि हाबाफारि एबा थांखिखौ नखल खालामनानै पाकिस्तानआबो मोनसे टीम बानायदों, जायनि गाहाइ महरै पाकिस्तान पिपुल्स पार्टि (पिपिपि) नि आफादगिरि आरो बारग' गुबुन हादरयारि मन्थि बिलाबल भुट्टखौ थिसन्दों। हारिमाथारि

थाखोआव पाकिस्ताननि जानानै गसंनो थाखाय शनिबारखालि पाकिस्ताननि गाहाइ मन्थि शाहबाज शरिफआ मोनसे गोजौ थाखोनि थान्दै आफादखौ दैदेन्नो थाखाय बिलाबल भुट्टनो बिबान गथायदों। पाकिस्तानआ बिलाबलनि दैदेन्नाय जाय टीम बानायदों, बेयाव बारग' मन्थि खुर्म दस्तगीर खान, हिना रब्बानी खान आरो बारग' गुबुन हादरयारि नेहाथारि जलिल आब्बास जिलानीआबो दंफायो। थान्दै आफादनि बिबान मोन्नायनि उनाव बिलाबलआ मोनै, पस्टआव बुंदोंदि, गाहाइ मन्थि शाहबाज शरिफआ आंखौ हारिमाथारि जौसाडाव शान्तिनि थाखाय पाकिस्ताननि हान्जाखौ दैदेन्नायनि थाखाय थान्दै हान्जाखौ दैदेन्नो खावलायदों। बे बिबानखौ मोन्नानै बिथाडा सन्मान गोनां मोन्दांथिदों।□

अबर' गोनां बिटिचि ओनसोलाव बर 'फोरा बिसोरजों गोरोबनो आरो बिसोरनि थुनलाइनिफ्राय सोलोंनो गोनां द्लाम दड।

6.बिटिचि ओनसोलनि मावख 'फोराव बिटिचि सरखारा हागौमानि बर' अफिसार आरो कर्मचारी बुधुमनानै लाबोनांगौ। मानोना बर' बिजोंजों फरायनाय दानि लाइमोनफोरा मावख 'फोराव गुबुन हारिनि अफिसार एबा कर्मचारीफोरजों असमीया रावजों मोजांडेराव रायनो रोडैनि जुनै गोसोनि बुंफोरनो गोनांफोरखौ मोजाडै बुंफोरनो हाया। जाहोनाव जाम्बा बायदि सिरि थानो गोनां जायो।

7.गावनि फिसाफोरखौ बर' बिजोंआव फरायहोनाया बर' बिजों आरो बर' रावखौ फोथानायनि मोनसे मोजां राहा। हारि आरो रावनि इयुन रेखाथिनि खाथिराव बर' बिमा-बिफाफोरा गावनि फिसाफोरखौ बर' बिजोंआव फरायहोनो नांगौ। बे बिथिडव सरखारा बाद्य खालामनानैब्बाबो बर' रावखौ फरायहोनायनि राहा लायोब्बासो बर' रावनि इयुनखौ सोरां नुहरो।

8.गोनोखो आरो गोजौ सोलोंथाय लानायाव गोलेलै जानायनि थाखाय गोनोखोआरी सोदोबफोरखौ उन्दैनफ्रायनो गथ 'फोरनो मिथि होनो गोनां। गोनोखोआरि सोदोबफोरा इराजीयाव गुवारै बेखेबनाय थायो। बे बिथिडव असम सरकारा थाखो द 'निप्रय बिगियान आरो सान्खाथि बिजाबखौ इराजी रावजों फोरोंनो सान्नाया गोरोन्थि जायाखेमोन।

गुबुन जौगाखां थुनलाइनि गाग्लोबनायाव बर' थुनलाइया मिरौ-जिरौ जानो लानायखौ नुनानै बर' राव आरो बर' बिजोंनि बागै फनैसो बुंबाय। नाथाय गोजौनि सानदांथिफोरा आनि ब्यक्तिगतसो। बेखौ हरिया गनायनानै लायो लाया बेयो हारिनि सानसुमैफोरनि सायावसो सोनारगोन। नाथाय बर' राव आरो बर' बिजोंनि इयुनखौ फोथानानै लाखिनोब्बा गोजौआव मुंख 'नाय पइन्टफोराव बर' हारि आरो गौथुमफोरा गोसो होनो सम जाबाय होन्नानै आं सानो।□

हादरनि सिमना आरो जायखि-जाया खैसार सानायखौ होबथानो थाखाय सांग्रासिन जादों। बेनि गेजेरजों इसर'आ रबिबारआव हादरआवनो बानायनाय संगालि सेटेलाइट लन्च खालामदोंमोन। बे सेटेलाइटनि थांखिआ गासैबो बोथोराव आरो रोजा जोमै साग्लोबनाय आरो खम सोरांनि समावबो बुहुन सानि हाइ रिजलुसन सावगारि सेबखांनायमोन। बे

अरुनाचल प्रदेश डिबां हायेनआव 3.8 रिक्टर गोस्त्रैथिजों बांग्रि मावदों



इटानगर, 18 मे: अरुनाचल प्रदेशनि थागिबिफोरा बांग्रि मावनायजों गिखांदों। दिनै फुंनि 5:06 रिगायाव बे राइज्योआव बांग्रि मावो, जायनि गोस्त्रैथिखौ माहारियारि बांग्रि बिगियान मिरु(एनसिएस) आ 3.8 रिक्टर होन्ना मिथिहोदों। राइज्योनि डिबां हायेन जिल्लायाव 10 कि:मि: गोथौआव बे बांग्रिनि मिरुखौ बिगियानगिरिफोरा हमदांदों। मख 'जाथावदि, बेनि सानसे सिगांसो खेबसेबाव बांग्रि मावदोंमोन। बेनि गोस्त्रैथिखौ 3.4 रिक्टर थिसनो मोन्दोंमोन आरो दिबां हायेननि साखाथियाव थानाय मोनसे ओन्सोलाव बेखौ मोन्दांथिदों। थानाय शनिबार अखानायसि 3.11 रिगासोआव मावनाय बे बांग्रिनि मिरुआ हा सिं 12 कि:मि: गोथौआवमोन।□

हाइद्राबादनि चारमिनारआव अर खामनाय जाथायाव सा 8 सुबुफोरनि जिउ गोमादों



समाव सुबुंफोरा जाथायसालियाव हुस गैयै जानानै दडमोन। जाथायसालियाव दावबायहैनयनि उनाव मिरु मन्थि जि किशन रेड्डिआ मिडियाआव बुडोदि, पुलिसआ बे जाब्रथायाव सा 8 सुबुंफोर जिउ गोमानायनि खोंरां होदों, जेराव गथ 'फोरबो दंफायो। गाहाइ मन्थि मदिआबो बे जाथायखौ दुखु मोन्नाय फोरमायदों आरो जोखोम जानायफोरखौ थाबैनो मोजाडव फै नायनि थाखाय आर 'ज गाबदों। लोगोसेनो बिथाडा जिउ गोमानाय नख 'रनो पिएम माहारियारि रेहाय फान्डनिफ्राय 2 लाख रां अन्सुथाय होनोबो फोसावो। बेराफासैं जोखोम जानांनायफोरनो साफायाव 50,000 रां होगोन।□

नों आंनि आं नोंनि

हास्थायो अराय नोंखौं
जेब्लाबो नों आंनि गोजानाव
थाया गोसोआ अरायबो गोजानाव
नों आंनि आं नोंनि
बे मायाथिलि बुहु माव
अरायबो रुजु-रुमु....॥
नोंनि महर नोंनि आखल
सिमांना मोकथां महराव,
गोसो खुसियै रायज्लायो नों आंजों
अरायनि थाखाय,
हास्थायो आं नोंखौं अरायनि थाखाय
नों आंनि आं नोंनि
माब्लाबा होगोन नों अनजालुआ
आंनि खाफालाव गोथार
गोजा सिन्दुरखौं।
नेनानै दङ आं नोंखौं
हास्थायो आं अरायनि थाखाय नोंखौनो
नों आंनि आं नोंनि,
नोंजों लोगोआव लांफादो अनजालु
अराय समनि थाखाय,
नों आंनि आं नोंनि।

–हाड़ना दैमारी
गामिः–गसाड़गाव,
लाःसोः– रनसाड़धाम
जिल्लाः– चिरां।

हायना

मा इसेबां महर गोसा नोंलाइ
बे मुलुगआव समायना रमायना
महर लानानै उजिफेदों नोंलाइ,
फै रजे आंनि खाथियाव।
मा इसेबां हायनारि सिखोला नोंलाइ
बजबना लानो आंनि बिखायाव
खानाय रुमबां–बां गुसथिआ बालें–लें।
सोर जोनोम होआ नोंछौंलाइ
बर’ गामियाव गलाप बिबार बायदि
नोंखौं नुयोब्ला गोसोआ
आंनि फाग्ला जायो।
नोंनि महर मुश्रीखौं नाययै नाययै
हायना नांबाय आं नोंनि मोदोमाव
नोंनि महर मुश्रीखौं नायोब्ला,
रावनिबो महरखौं नायनो सुखुला
जाबाय आं हायना।
गोसोआ सानो नोंजोंनो आलो आलो राइजो
जानो,
नाथाय नोंनि सिगाडव फोरमायना
लानो सानो आं नाथाय आंनि खुगाया
गेवा जाबाय।
मा खालामबावनो आं
गोसो जौंल’ हास्थायनानै दंसै नोंखौं
नाथाय सोरनि सिगाडव फोरमायनानै
लाबावनो आंलाय।

–दैमु बसुमतारी
लाःसोः–रुपीरखाता
जिला– चिरां बि.टि.सि.

खोमसि आरो खाना फोथायनाय

मुश्री निर्मल चन्द्र बसुमतारी।

नछ नछ नछ
नंश्रा बिसोर ‘दायना’ – ‘दायनि’
“‘खोमसि” आरो खाना फोथायनायसो।
गावजों गाव मुगैलायनायसो,
गावजों गाव गादब लायनायसो,
गावजों गावनि जिउ फोजोबलायनायसो
‘दायना’ आरो ‘दायनि’ रावआ–
थिफुदला–थिफुदलि मानसिसो दि–
गावखौंनो गावदि माबायदि मानसि
गावनो गावनि खिनायखौंनो
गावनो गावनि खिथुखौंनो
गावनो गावनि खिखौंनो
सुप्पाना लानो रोंश्राखे बिसोर
आरो नंखाय रावजोंसोबावदि
मालायखौंसो बुथारनायनि लामा।
बिबायदि मानसियानो
सिगांग्रो ‘दायना’ आरो ‘दायनि’ राव बाहायग्रोदों
गावजों गाव बुथारग्लुंहोलायदों।
‘दायना’ आरो ‘दायनि’ रावआ –
औरैबायदि नेहाद फिसासोदि–
‘खोमसि’ आरो ‘खाना’ फोथायनायसो
गावनि हारिया गोजूआव गाखो लांनायखौंसो
जोख्लायना गाहायाव खोख्लैना दोन्नाय।

बर’फानो

बिफा नों जेरावखि थायामानो–
दैदेनगिरि नों दाबोनो जोंनि
नोंनि बुंनायानो जोंनिनो बुंनाय
दासिमबो नों जोंनि गेजेरावनो।
सोगीनि जांख्लाजों नोंखौं
दैखांहरनो दुखुथियाफ्रा थुबुर जाब्ला
गोबाडनो नोंनि आगानखौं
फरायलांनो सोलोंदोंमोन,
नोंनि आगाननि सेर– सेर
सोबख ’जानाय, मोहेर जानाय
सुबुंनि उदांश्रीनि राहा लामाया रोखा।
नोंनि थैनिनो फिसा
रोजा–रोजा सुजित, सुकेशर जोनोम जाबावगोन
नोंनि सिमाड सोबख ’जानाय थाखोनिनो
गोर्बोंनिफ्राय बोहैबोनाय राव,
थायाखैमोन नों उन जाना
गोग्लैसोनाय हारिनि हखायै
मोवनांगौ हाबाफारियाव।
इनायनि हेंथायै बिग्रायनायनि
नोंबो फैदो।
गावनि हायावनो गुबुनारि जानांनायै
दाहानि हरा सानसेब्लाबो थुंगेगोन सान्नायै
उदाडै राइज्यो खुंबोनाय
आबै– आबौनि बाश्राखौं बुरखांनायै
दाखोर बोखार–बोखार
दै सिडवबो उदांनि जे सानो
नोंनोथ’ जौंनो फोरोंलांबाय,
जोनो–जोनो उन्नो थोनबाय
माराम जाहाबनाय थुंग्री।
बिफानि थार फिसाफोरा नोंनि
सतबांसानि आर ’नाइ खासिनिबो खाखाबाय
फालिनो बोसोनखौं नोंनि
लिरनो स ’नानि हांखोजों जोबोत रोखायै।श्च

राम दास बर’

बिबार

बिबार नों बिबार मानो बारो ?
सुबुंनि गोसोखौं खालामो नों उरां फारां ?
मा एसेबां समायना नोंसोर बिबार ?
नोंसिनि बे समायना महरखौं नुयोब्ला
आंबो नोंंसोरजों बारफानो लुबैयो,
बेसेबां समायदों नोंंसोर बिबार !
सानजानि खोलो खोलो बार बारनायजों
अखा दोमैलु बोथोरजों सिखिरिआ हालि–हालि
बाहां–बिरहां बिरनायजों,
बायदेमग्लाय–सिदेमग्लाय मोसानायजों
बेसेबां समायदों नोंंसोर बिबार।
नोंसिनि बे बायदि समायना–रमायना
महराव आं दिनै बोदोर जाबाय।
सानदोंमोन आं नोंंसोरजों बिबार बारिआव
समायना, रमायना बिबार बारफानो।
दिनै गासैबो फैमाल आंनि सान्नाया।

–सोमजिला बसुमतारी
गामिः– सुरेन्द्रपुर।

दानि सिख्लाफोर

बर’ हारिनि सिख्लाफोर
टाउन बाजार होमबाथाइ
जेरावबो हायलोब–हायलोब
गान्नाया बिसिनि सुरिदार लंफेन
गैया माथो नोंंसोरनाव बर’ हारिनि गान्नाय।
बावबाय नामा बायदि मैयानि गाब–
गान्नाय दखना;
दानाय लुनाय कृष्टि मोसानाय बायदि–
आसार खान्थिखौं।
गैया नामा नोंसिनि गोसोयाव
बर’ हारिखौं जौंगाखां होनायनि मिजिंक
बिबादिब्ला जों बर’ राइज्योखौं–
माब्रै मोननो;
फै जों बर’ हारिया बयबो खौसै जानि
बर’ हारिखौं जौंगाखां होनायनि मिजिंक
बिब्दिब्ला जों बर’ राइज्योखौं–
माब्रै मोननो;
फै जों बर’ हारिया बयबो खौसै जानि
बर’ हारिखौं जौंगाखां होनाइया–
जोंनि आखाइयावनो दं।
दाजासै नोंंसोर रावबो एना–एनि
मालाइ हारिनि आथिं सिडव–
थाबाय थानायनि सम गैला
फैदो फै बयबो ज,ज;
सुरदिनि जों आगान गोजों लामाजों।

–गोसोबां बसुमतारी

गामिः–पैनागुरी।

जिला– कक्राझार, बि टि सि ,आसम।

नोंसोर खोनासं

बुहुमनि खना–खनला थानाय बर’ फिसाफोर
नोंसोर गोसो होनानै खोनासं,
गुबुन जौंगा हारिजों समानै दावगाफानो
जोंनि बिमानि रावखौं जों अराय फोथाना लाखिनांगोन।

हारिनि इयुन रैखागिरि महरै गावखौं बावसोमना
खामानि मावनायाव नों जेननो मोननाय नछ,
जेखि थासारियाव जिउखो दैदेनामानो
आंगो बिमा रावखौं अनसायनो दाबावगार।

आखाइनि रेबगनजों लिरजानाय हांखोखौं
गिबिसिनै बिमानि रावजों जागायजेननो सोलों,
समायना बुहुमनि बिखायाव बर’ रावखौं फेहेरनानै
हारिखौं सिनायथि होनाय बिबाना नोंनावबो दं।

इयुन जोलैखौं बिमा रावजों सोलोंथाइ लाहोनो
साफ्रोमबो बिमा–बिफायानो दिनै थांखि लानांगोन,
बर’ हारिनि अराय गोजोननि थाखाय
जेब्तायबो साननाय आरो नाजानाया जोंनाव थानांगोन।

निजोम बर’
पश्चिम पानेरि, अदालगुरि

आं सोलोडो

लैथोनि गुथालफ्रा आंखौं फोरोंदोंमोन,
गोथौंथियाव थानो सोलों।
बारहुंखाखौं दागि,
मोनफ्रोमबो जेंनाजों जुजिनो सोलों।
अखाफोर जोंनायाव हरफ्रा आंनो खिन्थायो,
खोमसिखौं गिनो नाछ।

जाय सोरां आरो आस्रय होयो बिसोरखौं
बुहुमनि सुबुंफोरा बावनाय नछ।
बिसिनि जायगाया गोसो गोरबोनि
थै रोदायावनो बोहैबाय थागोन
जेसेबांखि खैफोदानो फैयाथों
आरो आं सोलोंबाय
माब्लाबाबो फावसायना थाया होनना
फोरोंबाय आंनो न’ गैजायि सैमाफोरा।
माबोरैहाय जुजिनाय आरो आशा खालामनाया
खबसे मोनजागोननि हाबिलायाव
मानसिया मदद मोनगोननि गाबज्रिनायाव
आरो गोबां.....बायसेश्रा सिमांफोरा
मोगथां महर मोनहां
सानजा फारसे जारां सोरां जाहां
नाथाय बेनोथ’ समनि गेलेनायखा
जा जानांगौ बेयो जाखागोनखा।

खोमथा बर’
हादानगुरि, उदालगुरि

हास्थायबाय नोंखौं

मोजां मोन्नोब्ला सासेखौंनो मोन स’ना
गोसो गोर्बो गोथार बिखाजों जेब्लाबो,
गोर्बो गोसो बावसोम जोबखाबाय आं नोंनो।
नोंखौं गोर्बो बिखाजों अन्नाय होबाय आं
ददेरे मैना, गनायोना गनाया नों रजे ?
गनायोब्ला दिखानानै लांगोन आं नोंखौं
रैसुमै, गोजोन गोथार जुलिनि थाखाय।
नोंनि महरावनो जानांबाय गोसो गोर्बो जिउ
आंनि बोदोरजों उसिफावनाय उसाव–बादाव,
थानो हाया गोजोनै दसे सम अराइ।
नोंनि थाखायनो गासिबो हगार जोब्बाय आं॥
रिसोम बायदि गोसोम मिहि खानाय नोंनि
समायना बेरस्रां–बेरस्रां मेगन नोंनि
कमला बायदि जागा–जागा फावदुर,
जारौ–रौ दुफावलु फारनै खावलाइ नोंनि,
रिजि, रिजि हाथाय मिनिस्तु मिनिखैरो।
बुहुमाव नायगिरब्लाबो मोनाखैसै
नोंखौंल’सो मोनबाय आं अरायनि जिउ।
गोसो आंनि गोसोआनोथ’ फागोला बोदोर,
फागुनिनि जावलि्या बाराबो खालाम सिनबावबाय
आंखौं हरावबो निन गैयै, सानावबो निन गैयै।
रैरुब महरा नोंनि जाखांफैयो अराय सम
हास्थायबाय आं नोंखौंनो अराय सम।
बेनो आंनि गोसो गोथारै नोंखौं हास्थायनाय॥

रिनदाव बसुमतारी
गामिः– आमिनफारा, पाटगाव।
लाःसोः–सिम्बरगाव,
जिल्लाः–कक्राझार।

रेबगननि गोथां खालि

हांखो गैयै लादां खाखोर बिलायाव
सोलोंथाइ गैजारोडैबर’ हारिनि गेजेराव,
रैखाथि गैयै दावहारु फोथाराव
लिरगोन जों गोथार हांखो रेबगननि गोथां खालिजों।

लैथोनि थाथिरगैयि गुथालफोरा जोंखौं फोरोंडे
गोथौंथियाव रैखा खालामनो सानस्रिनो सोलों,
रेबगननि गोहोआबो जोंनो फोरमायो
मुलुगनि गेब्रेंनाय आबहावायाव,
थावरिनायनि सोलो आरो बोलो।

बारहुंखानि गोब्राव सिमब्रेनायखौं दागि
दैवानानि गुथालखौंबो सानस्रिनो बयबो जुजि,
सोमखोर गाबनि फैलाव अखोराडव
सिव सिव बारजों बिरग्लाबनाय,
गोमो गाबनि गोथार फिरफिलायाव
लिरगोन जों गोथार हांखो ‘बर’ राव गेवलांथों’
रेबगननि गोथां खालिजों।

मुसिलांनाय खाखोर बिलाइखौं जों बुथुमगोन
उरि अरनाय खुनदुंखौं जों सुजुफिनगोन,
फरायगोन जों बर’ बिमानि रैसुमै राव
लिरगोन जों बर’नि गोथार हांखो क,ख, अ, आ
लांदाडेथानाय खाखोर बिलायाव
रेबगननि गोथां खालिजों।

जोंसार बसुमतारि
गामिः 6 नं सानतिपुर, गहपुर
बिस्वनाथ

दावखोनो हाया

आथिखालनि सम
आरो थासारिखौं
हमदांनो हानांगौवानो
जोबोर गोब्राबसै
जायनि थाखाय
आगान सुरब्लाबो
थाद’ हैनो
गोनां जायो
मावथांखि फारसे
दावखोनो हाया
हाया जायो।

सबिराम बर’
राबां, बाक्सा

थांना थाथों बर’बिजों

जोनोमा आंनि
बर’ बिमानि गोरबोआव।

फेदेरदों फोलावदों आंखौं
बर’ बिमायानो।

रायलायनोबो सोलोंदों आरो रेंदोंबो
रैसुमै बर’ बिमानि रावखौंनो।

लिरदों, फरायदों, रेंदों, गोरों जादों
समायना बर’ बिजोंजोंनो।

बावनो हाया, हानाय नछ
थांना थाथों अराय सम बर’ बिजों।

निरन्जन बसुमतारी
गहपुर

नोंनि मुं

नोंनि मुंजोंनो
आंनि मुड
बोहैजेन्दों सना।
बे मुलुग संसाराव
थांना थानायनि मिजिं लाना
अरायबो थायो नोंनि मुं लाना।
खोनासं रजे–
बे दानदिसे संसाराव
दाखालाम आंखौं गोदाव–सोराव।
आय! बे जिउआव
गाबख्रोमायो आं सिरियै
गोर्बो–जिउआव मोदै लायै।
हे ! गसाइ–
फै नों बे जिउआव
जाफुंसार होफै मोकथां संसाराव।
नै रजे–
फोथाय नों गोर्बोंयाव
आंगोनि आंगो नों बे जिउआव।

रडियावबो आसामनि बारग’ मन्थ्रि थानेस्वर बर’नि सेथि थैनाय सान फालिदों

रडिया, 17 मे: थांनाय सानखालि आसामनि बारग’ मन्थ्रि आरो बर’ थुनलाइ आफादनि बारग’ लेइइ आफादगिरि थानेस्वर बर’नि सेथि थैनाय सानखौ रडिया जिल्ला बर’ थुनलाइ आफादनि दैदेन्नायावबो रडिया जिल्ला ट्राइबेल संघनि न’आव फालिनाय जायो। हाबाफारि बादियै फिरफिल्लाखौ ससे बिरहोयो रडिया जिल्ला बर’ थुनलाइ आफादनि आफादगिरि मदन चन्द्र बर’आ। सावगारियाव बिबार बाउजेनो रडिया जिल्ला बर’ थुनलाइ आफादनि लेइइ आफादगिरि मुकुत प्रसाद बर’आ।बेनि उनाव जिल्ला आफादनि आफादगिरि



मदन चन्द्र बर’नि आफादगिरिनि मासि लानायाव मोनसे गोसोखां आफाद जादोंमोन।आफादआव बिबुंथि लाखिदोंमोन जिल्ला आफादनि लेइइ आफादगिरि मुकुत प्रसाद बर’, कामरुप जिल्ला दुलाराइ बाथौ गौथुमनि नेहाथारि बिपिन बर’ आरो

कामरूप जिल्ला खौसेथि बर’ सुबुं आफादनि बुंथिगिरि कुहिराम बर’आ।बे थैनाय सान फालिनायाव दुलाराइ बाथौ गौथुमनि दौवरि गणेश बर’, रडिया आन्स’लिक बर’ थुनलाइ आफादनि नेहाथारि देब’कान्त बर’, गागि खन्थाइगिरि रबिन्द्र

बसुमतारि लोगोसे जायगानि माखासे मानगोनां सुबुं आरो राइजो-राजाफोराबो नुजाथिफैदोंमोन। गोसोखां आफादखौ सामलायदोमोन रडिया जिल्ला बर’ थुनलाइ आफादनि बानस’ नेहाथारि जितेन्द्र चौथुरिआ।

उदालगुरियाव खौरांगिरि मुंख्लं पराग कुमार दासनि गोसोखांथि सान फालिदों

उदालगुरि, 18 मे: आसाम नाडै जों लोगोसे नो उदालगुरिआवबो थांनाय सनिबार (17 मे)खालि उदालगुरि प्रेस क्लाबनि बान्जायनायाव मुंख्लं पराग कुमार दासनि 30थि थैनाय सानखौ जरखायै फालिनाय जादों। उदालगुरि प्रेस क्लाब भवनआव खुंनाय हाबाफारियाव जागायजेन्नायावनो आलारि बाथि फोजोंनानै पराग कुमार दासनि सावगारियाव बिबार मान बाउयो प्रेस क्लाबनि आफादगिरि गुनजित दासआ। गावनि बिबुंथियाव आफादगिरि दासआ जरखा खौरांगिरि, सुबुं मोन्थाइ मावफारिया पराग कुमार दासनि रुंसारि जानायनि 29 बोसोर बारलांनायनि उनावबो



बिथांखौ बुथारनाय सुबुंखौ सिनायथिनाय जायाखै होन्ना दुखु फोरमायो। रुंसारि जानायनि उनावबो बिजिरथाइ मोनैयाव आसामनि खौरां बिजोंथिजों लोगोसे माहारियारि जिउआव

सुख’हायै खहा जादों। बिथांनि जिउमाया जेब्लायबो गोजोंनै थाथों। 17 मेआव 30 थि थैनाय सानाव बिथांनि जिउमाया अरय सम गोजोननि थाखाय आर’ज खालामनायनि अनगायै मा खालामनो हागोन होन्ना बिथाडा दुखु फोरमायथियो। प्रेस क्लाबनि नेहाथारि अकिल कलिताया सामलायनाय

हाबाफारियाव प्रेस क्लाबनि बोसोनगिरि धिरेन बैश्य, लेडाइ आफादगिरि बैद्यनाथ उप्पाद्याय, सोद्रोमा फारियै दिलिप बरुवा, अजय कलिता आरो मंगलदै प्रेस क्लाबनि लोगो नेहाथारि दिपेन बरुवा मोनहा पराग कुमार दासनि बिहोमाखौ मान होनायजों गोसो खांना बिथांनिसिम मान बाउयो।

(सुंद’ सल’)

मुष्टि मुकाल नाजरी

बेलासि सम।

सोनाब फैसालियाव साना गावनि लाजि गुसु मोखांखौ दाख्लाब- दाख्लिब जोमैनि सिडाव थाखोमाना फांथेबायदों। फागुन दाननि जाउलिया बाराबो दसेनि हाद्रि- गोरान बिलाइ-बुखारबुखार गुबुन जायगा फारसेथिं लांखारदों।

बेसमावनो निजोम आरो लोखिया खोथा होखानाय बादि गावसिनि मोजां मोनलायनायनि गोसो गोबोंनि गोथौ बाथ्रा रायन्लायनो भुर दैमानि सेर सेर बेरायबायदों। दैमा सेरव रावबो गैया। सानजानिफ्राय बारबोनाय खोलो खोलो बारा बिसोरनि गाननाय जि फोरखौ रोफै रोफै बिरखारहोदों। निजोमा थाबायनाय फावैनो गावसोरनि सिगांथिं बिरलांनाय ज’रासे हांसो सिलारिखौ आसि दिन्थिनानै लोखिनो खिन्था हरनानै बुडो।

: लोखि ...।
: मा आदा.... ?
: बै बिरलांनाय ज’रासे हांसो सिलारिखौ नुहुरदों ना.... ?
: आदा नुहुरदों ना ... ?
: बेसेदि ...! रुजु-रुमु रायलायनानै बिरलांदों नडासै लोखि।
: बिरलांदों आदा।
: आदि नोंखौ लानानै नैबे दैमा सेराव बेरायदों, थिक बेबादिनो बिसोरबो सासेया सोरबा सासे अनजलिखौ लानानै बेरायदों जानांगौ। नडाब्ला, मानोथो ज’रा लानानै बिरलांदों....!
: नंगौ, आदा। बिसोरबो गावसिनि मोनलायनायनि -मोनलायैनि बाथ्राखौ लानानै रायलाय लांदों जानांगौ। निजोम आरो लेखिया सानैजों सें सें थाबायो. सानैबो मोखांजों -मोखां नायलायनानै रायलाय लाडो आरो इसे गोजान थाबाय लांनायनि उनाव दैमा सेरनि फांसे बैग्रि

गोसोथोनायनि माला

बिफां खाथिआव मोनहैयो।
: लोखि.....!
: मा आदा ?
: नैबे बिफां सेरावनो जिरायदिनि बावनो जिरायदो। लोखिया जिरायो आरो निजोमाबो बिनि मोखाडाव खेबसे नायना सानजाहा मोखां जानानै सें जिरायफायो। निजोमा गावनि गस्लायाव मानबायनाय मोक्षोमखो बुखानानै लोखिखौ नोजोर होनानै बुडो-
: लोखि जों सानैनि मोजां मोनलायनायनि गेजेराव लोगो हमलायनांगौ खाबुवा गोजान जाबोनो हमबाय नडासै.... ?
: नंगौ, आदा। नाथाय, गोजान जाबोबाय होन्नानै नों आंखौ बावलांनो दासान। आंनि मेगना नुबाय थायाब्लाबो गोसोआ नाथाय अराय नोंजोनो थाबाय थागोन।

: लोखि ... जोंनि मोजां मोनलायनाया गोबाव जाबोखो....! बिनि गेजेराव जों सानैबो लाइजामनि गेजेराव जों सानैबो लाइजामनि गेजेरजोल’ फोरमायलायनो खाबु मोनो। लोखिसारि आंहा गोसो सिंजों फोथायनाय दं, बे गुवार संसाराव जों सानैनि मोजां मोनलायनाया मोकथाडाव जुलिनि देखोबोनानै।
: आदा ... नों मा बुंनो सानदों, बेखौ दिनैनो दानो आंनि सिगाडाव फोरमायखा। जों सानैनि मोजां मोनलायनायखौ रावनिबो मेगनाव सिखोमानो हानाय नंला।
: नंगौ, लोखि ...। बेयो थार बाथ्रा जों सानैनि अनलायनायखौ इसेबाबो मोनथिबाय जानांगौ गामिनि मानसिफोरा। बिनि थाखायनो, आं मोनसे खालामनो सानदों, लोखि! नों गनायोब्ला!!
: मा खालामनो, आदा। आं गनायना

लागोन।
: लोखि जों सानैनि मोजां मोनलायनायखौ रावबो बस’नो हायै बादि गोरा दौलेंजों खानानै दोननो सानदों आं मानोना, जों सानैजों लोगो हमलायबाय थानायखौ मालायफोरा नुबाय थायोब्ला दसा सानलांनो हांगौ। नोंमा सानो लोखि..... ?
: नंगौ, आदा। जों सानैनि सिरि-सिरि अनलायनायखौ गुबुनफ्राथाल मोनबाय। नाथाय ... आदा, गुबुन जिरादजौ बावलांब्लाबो, नों आदाखौ आं अरायबो बावनो हानाय नडा। गुबुनफोरा मोनथियोब्ला मा सानो सानलांथों।

: मोदोमनाय बिबारखौ होखोमानो हाया स’ना। जोंनि अनलायनायखौ मालायफ्रा मोनथिथों। थेवब्लाबो जों दोंसे लामाजों आगान सुरलांनांगोन। समा रावखौबो नेनानै थाबाय थाया, लोखि। आंबो न’आव थाबाय थानो मोना। बेखायनो आं दिनै नोंखौ लोगो मोननानै जोबोद गोजोन्नाय मोनदों।
लोखि ... मानसिया सानो गसायआ सिफायो होन्नाय बाथ्रा दंखायो। बेनिखायनो आं नोंखौ मोजां मोननायनि नेरसोन दोननो आरो जोबथा रादाय खानानै लाखानो सानदों। नों मा सानो लोखि। लोखिया गावनि मोखांखौ गाहायाव फाहायना गावनि सादोरनि बिजौखौ सुत्रायनानै गुरै रावजों बुंलाडो-
: आदा जोबथा रादाय खानानै, आंनि अन्नायखौ नेवसिगारनो मोननाय नडा। जोंनि मोजां मोनलायनायखौ सिमां खालामनो मोननाय नडा। मोकथां मुलुगाव जाफुं सार होनांगोन। निजोमाबो लोखिनि मोखाडाव नायहरनानै थेरनाय गारांजों बुडो-
: जोंनि मोजां

मोनलायनाया ओरैनो नडा, स’ना। रादाय खानायाबो नंखाय जानाय नडा। नों आंकौ फोथाय स’ना आं नोंनि सिगाडाव स’माइ लानानैसो नोंजों रादायखौ खागोन। आरो खुगानि रावजोल’ रादायखौ खानानै दोननाय नडा। नै बे, आंनि स’नानि मालाखौ नोंनि गोदोनायाव समायना महरै दोनना नैसो खागोन स’ना...।
लोखि ... नोंनि गोदोनायाव आं बेखौ साखि दोनगोन। नोंनि गोदोनाया ओरै हर। लोखिया निजोमनि बेबादि फावखौ नुनानै मोखाडाव मोज्लिउ -मोज्लिउ नायनानै,खाथियाव दावथ्रोद लांना गावनि गोदोनाखौ गथायना होयो। निजोमा स’नानि मालाखौ सोखांनानै लोखिनि जारौ खावलायखौ खुदुमो। दसेनि उनाव सोखिया गावनि गोदोनानि स’नानि मालाखौ नायनानै निजोमखौ अन्थाव बाथाव रावजों बुडो -
: बे इसेबां दामनि स’नानि मालाखौ मानो बायनानै होनांगौ जाखो ... ? आदा। मोजां मोनलायनाया बेबादि जिरादजों साखि दोनबाल’ जाया। नोंहादि नखराव गोरिब, बेखौ नों मानो साननो हादिया आदा आदा ... सनानि मालाजों मोजां मोनलायनायनि साखि दोननायखौ आं बे जोनोमाव बावनाय नंला। जोबथा रादाय खानानै नों सिरियै थानो मोननाय नडा सम सम लाइजाम हरनानै नों आनो फोरमाय हरनांगोन। निजोमा लोखिनि मोखां फारसे नायो आरो दुखुनि गारांजों बुंलाडो-
: लोखि ... नंगौ , आं सासे गोरिब, निखावरि। नाथाय! आंनि बिखानि सान्नाय आरो अननाया निखावरि बादि नडा। आं गावनि गैयै निखावरिखौ न’ खराव आगान हैबासो मिथियो।

लोखि नांगोन। इयुनाव आं जों सानैनि मन्दिरखौ लुगोन।
बेबादि बुंखानानै निजोमा गंप्पिनानै थाबाय थायो। लोखियाबो रायलायनो गोसो जाया आरो बियो निजोमखौल’ गल’ नायगोमोबाय थायो। दसे समनि उनाव निजोमा लोखिनि माखाडाव नायनानै बुडो-
: लोखि ...!
: मा ... ?

: संसाराव जों सानैनि जुलिया जानांगौ मोकथां मुलुगाव। दाखालमथों; आनान गसाया जों सानैनि अनलायनायखौ जुदा जुदा। लोखि ... नोंनि बे गोदोनायाव थानाय मालायानो आंनि नोंखौ आवग्रिनानै लाखानाय जाबाय। स’ना ... नोल’ गोसोखौ जाउलिया बाराव दाहरगारसै। बेनो आंनि, नोंनि बिखायाव मोजां मोन्नायनि गोजों जिनत्रि। बुंखानाय लोगो लोगो निजोमनि मोखाडाव मानिबा साइख्लुम साग्लोबफैयो आरो गाहायाव नायगंनानै थाबाय थायो। बेखौ नुनानै लोखिया गिलिद गारांजों निजोमनि मोदोमाव नारनानै बुडो-
: आदा नों आंनि गोदोनायाव स’नानि मालाखौ सोनानै दोनबाय, बेनो आंनि बिखायाव नोंनि महर जानानै थाथोंसै। नोंखौ नुवाब्लाबो आं बे मालाखौनो नाययै नाययै नोंखौ गोसोखांबाय थासिगोन। आदा ...! माखौ सानहाबबाय थाखो ? माखौ सानहाबबाय थाखो..... ??
नाथाय ...! निजोमनि गोसोआ साननायजोंनो देबोर नांदों। बेनि गोसोआव, सानसेखालि लोखि बिफाजों लाजिफोनां जानाय आरो रायजा हरनाय सावगारिखौ फारि-फारि गोसो खांहरदों। बिनि थाखायनो लोखिखौ नांला होन्नानै गारबायमोन निजोमा। नाथाय लोखिनि खुथार खुथार गाबनानै बुंनाय रावजों सौखे जानानै सहायनो हायैनि गोसो दाजाबनाय जादों। एम.इ. स्कुलाव फरायनाय

गसाइगाव पाकिस्तानखौ हेफाजाब होनाय सासे सुबुंखौ हमदों



गसाइगाव, 18 मे: कक्राझार जिल्लानि गसाइगाव फिन समाजारि बिजोडाव अरय सुथुर हादर पाकिस्तानखौ हेफाजाब होनाय सासे सुबुंखौ पुलिसा हमदों। हमजानाय सुबुंखौ गसाइगाव पुलिस थानानि सिडाव थानाय कुर्शांकाति गामिनि रुपसान आलि होन्ना पुलिसा फोरमायदों। गसाइगाव पुलिस थानानि बिबान मोन्नाय पुलिस बिबानगिरि निदुल गगैआ दिनै बि सुबुंखौ देहा आन्जाद नायनायनि उनाव गसाइगाव महखुमा मेजिस्ट्रेडनिसिम थिसन्नायनि उनाव जोबथेसालिसिम दैथायहरो। मिथि मोन्नाय बायदियै बि सुबुडा गावनि पेजबुक एकाउन्टआव भारतनि गाहाय मन्थ्रि नरेन्द्र मडिनि रावखौ नेवसिनानै पाकिस्तानखौ हेफाजाब होनाय मोनसे भिडिअखौ सेयार खालामदोंमोन। हमजानाय सुबुंनि बेबायदि हादर बेरेखा जाथायखौ गोख्रोडे सोंखारिदों गुबुन-गुबुन आफादफोरा। गसाइगाव सनातनी समाजनि आफादगिरि महेश्वर ब्रम्हआ बे जाथायखौ सोंखारिानै भारतआव थानानै भारतनि हेंथा खालामनाय बिसोर सुबुंफेरखौ गोख्रों साजा होनांगौ होन्ना दाबि खालामो। मखनो गोनांदि, बेनि सिगांबो सासे बिबुंगिरिखौ गसाइगाव पुलिसा हादर बेरेखा बिबुंथि होनायखौ सेयार खालामनायनि अजदआव हमदोंमोन।

आं नोंखौ बावनाय नडा, स्रोद खारखुमा बोनानै नोंनिआव खारसन फैगोन आं। नडाब्ला थाबैनो कर्ट मेरिज लाहैनांगोन।
: लोखि ... नोंनि थाखाय हाखु दाखु सोरजोंबा जुलि खालामना होयोब्ला नों माब्रै फैनो हानो स’ना बे जोनोमाव नोंनि थाखाय बोदोर ?
: बे जोनोमाव नोंजों जुलि जानो मोनाब्ला, आंनि जिउ आबो अस’खान्दा जागोन आदा। निजोमाबो दुखुनि गारांजों आगोर मोना जानानै बुंभावयो, होनबा ... आंनि जिउआबो ससे आवनो गोमोर लांगोन। लोखि ..इयुनि खोथाखौ लानानै बांद्राय सावरायनो दुखु जानो नांलिया। गमामायै उनाव जायोब्ला जों सानैबो खौसे

गोसो जानानै बे जेंनानिफ्राय बारग’नो हानांगोन। जाबाय लोखि... गोसोफोरखौ दिनैनिफ्राय खौसेयै संग्रायनानै लादोनि। थुदो, लोखि मुलुगनि राजा अरनि दामोला गोमोर लांनोसै हरै सोनाब दिगियाव खिन्थानो हागोन नैबे भुर दैसायानो जोंनि अन्नाय आरो मोजां मोन्नायनि दुखु सुखु फावथिनाखौ। जेब्लासिम भुर दैमानि दैया रान्नानै थाडा अब्लासिम जों सानैनि मोजां मोनलायनायनि दौलेंआ ज’नानै थांनाय नडा। बिनो जों सानैनि समाइ खिरा ग’साइनि खाथियाव खुलुमबाय। थांदिनि लोखि खोमसिबाय। दसेनि उनाव सानैबो न’ फारसे आगान सुरलाडो।

बाथौ आश्रम जथाइ आफादआ मेट्रिक आन्जादआव टप- 10 मासि आवग्रिनो हानाय फरायसाफोरखौं मान बाउदों

हाबाफरियावनो गासै बाथौ आश्रम फरायसालिफोरनिफ़्राय टप-१० मासियाव जायगा आवग्रिनो हानाय फरायसाफोरखौबो बरायननायजौं लोगोसे मान बाउनाय जाये । देग्लायनि मेट्रिक आन्जादआव टप-१० मासि आवग्रिनो हानाय फरायसाफोरा जादों फारियै- मिथिसार स्वर्गियारि (गासै नम्बर ५४४/९०.६७ जौखोन्दो), बाथौ आश्रम मेदाधाद, गोजोन बर' (गासै नम्बर ५४३/९०.५० जौखोन्दो), सिजौ एकादेमि, निजोम गोरा बर' (गासै नम्बर ५३९/८९.८३ जौखोन्दो), सानजा बोरालि गरेस्वर, ब्रजेन बर' (गासै नम्बर ५३२/८६.६७ जौखोन्दो), बाथौ आश्रम मेदाधाद, त्रिदेब बर' (गासै नम्बर ५१९/८६.५० जौखोन्दो), बाथौ आश्रम बरिमाखा, (सन्दन बर' गासै नम्बर ५१५/८५.८३ जौखोन्दो), बाथौ आश्रम नबस्ति, जास्तमेन स्वर्गियारि (गासै नम्बर ५१३/८५.५ जौखोन्दो), बाथौ आश्रम मेदाधाद, परि बसुमतारी (गासै नम्बर ५१०/८५ जौखोन्दो), सिजौ एकादेमि, मनिसा बसुमतारी (गासै नम्बर ५०७/८४.५ जौखोन्दो), बाथौ आश्रम मेदाधाद आरो जन नारजारि (गासै नम्बर ४९२/८२ जौखोन्दो) सानजा बोरालि गरेस्वर। दिनैनि बे बरायनाय हाबाफरियावनो माननि आलासि महरै बाहागो लाफैनो हायेो ऊ पितुस हाज 'वारि, बिबुंगोरा आइआइटि गुवाहाटी, पान्टु कलेजनि बिबुंगोरा ऊ प्रनब ज्योति नार्जारि। लोगोसेनो बाथौ अश्रम फरायसालिनि गहाय फोरोंगिरिफोर आरो गुबुन गुबुन बिफाननि फोरोंगिरि, खोला बिजनी दख'रा आफादनि आफादगिरि/ नेहाथारि, गेजेर बिजनी दख'रा आफादनि आफादगिरि आरो ओनसोलनि मेलेमजिबिफोरनि बाहागो लानायजों दिनैनि बे बराय हाबाफरिया मेहेर गोनाइै जेबलाछे।◻

राइज्यो बैंगिरिनि फोसावथाइनि हेंथायै ज'नाइ जिल्ला, सिमेन गुदि बर' थुनलाइ आफाद आरो ज'नाइ गुदि बर' थुनलाइ आफादनि खौरांगिरि मेल

आरो ज'नाइ गुदि बर' थुनलाइ आफादआ जुथायै मोनसे खौरांगिरि मेल खुंनाय जाये। खौरां मेलनि गेजेरजों गहायाव होनाय माखासे दाबिफोरनि सायाव फोरमायथिदों बर' थुनलाइ आफादनि दैदेनगिरिफोरा। बिथांमोनहा खौरां मेलनि गेजेरजों फोरमायदोंदि, बर' थुनलाइ आफादआ थानाय १४ एप्रिल २०२५ खालाराव आसामनि राव बिखासि आरो बेखौ मावफुंनायनि सोमोन्दै आसामनि राइजो बैंगिरिजों फोसावजानाय बिथोनखौ गोथौयै नोजेर होदों। १२ मे, २०२५ खालाराव आसामनाय बर' थुनलाइ आफादनि मिरु मावफुं आफादनि मोनसे गोनां जथुम्मायाव आसामनि गोजौं सोलोंथाइ बिथोनगिरिनि बिथोनजों लोगोसे सरकारजों सामलायजानाय फरायसालिमा आरो सरकारि मडेल फरायसालिमाफोरनि थाखाय गुबुन गुबुन मासि थिसन्नायाव असमिया रावखौ बाहायनो गोनांथि होनायजों लोगोसे गोजौंआव मख'नाय बिथोननि सायाव गुवारै फोरमाये। बिफोर बायदि बिथोनखौ मावफुंनो लानायखौ गोख्रोइै हेंथा खालामो आरो बे बिथोनखौ आसामनि गोबां हारियाव सुबुंफोरनि मोजानि थाखाय दानफिनो थाखायबो दाबि खालामनाय जाये। मख'नो गोनांदि, भारतारि संबिज्जिदनि दाइनथि फारिलाइनि सिङव गनायजानाय आरो आसामनि लोगो मावख'आरि राव महरै गनायथि मोन्नाय बर' रावनि थामोन्थाखौ बि.टि.आर. ओनसोलआवल' सिमा होनानै थाबथाहोनो नायगिरिदों आरो बे बिथोननि दारै आसामनि गुबुन गुबुन बर' मैखोम थानाय जायगाफोराव, गुबैयै बि.के.डब्लिउ.ए.सि. ओनसोलाव बेनि बाहायथिखौ गैया खालामनो नाजानायखौबो मोजां मोनाखै बर' थुनलाइ आफादा। मख'बावनो गोनांदि, १९६३ मायथाइयाव आसामाव बर' बिजोंखौ जौगाहोनायनि उरनिफ्रायनो सरकारआ मोनब्रै रावारि थान्थिखौ मावफुंनाय, मोन्ने बिजौ गइसन्नाय, असमिया रावखौ गोनांथार खालामनाय आरो बर' बिजोंनि फरायसालिफोराव असमिया बिजोंनि फोरोंगिरिफोरखौ नारसिन्नानै थिसन्नाय बायदि जेंनाफोरखौ सुस्त्रानो थाखाय गोबां खावलायनाय जादोंमोनब्लाबो दासिम जेबो राहा लानाय जायाखै होन्नानै फोरमायदों बर' थुनलाइ आफादआ। बर' थुनलाइ आफादआ आसाम जुडिसियेल सार्भिस आन्जादआव बर' रावखौ मोनसे आयदा महरै थिसन्नांगौ होनना दाबि देखांसेयावबो सरकारआ बेखौ गोनांथि होफेरखौ। जायनि जाहोनाव बर' राव, थुनलाइ आरो हारिमुनि थायोनथाइयाव खैफोद सोमजिदों। मख'जाथावदि, बर' हारि आरो बर' थुनलाइ आफादआ जेब्लायबो गुबुन हारिनि राव, थुनलाइ आरो हारिमुखौ मान होबोदों। बर' थुनलाइ आफादा सरकारखौ असमिया रावखौ बर' आरो गुबुन हारिफोरनि सायाव जाबसिन्नायनि गोसोथिखौ नागारनो थाखाय खावलाये। बर' थुनलाइ आफादा गोथौ दुखु मोन्नाय फोरमायदोंदि, बेफोरबायदि बिथोनफोरनि गेजेरजों, आधिखालनि सरकारआ बर रावखौ दावगाहोनो थाखाय थोजासे मान आरो सहायसुला बुधायनि बिबान लानायनि सोलाय खुगायावल' जातियताबादि मोनसे हान्जानि मुलाम्माफोरखौ गोसो गोथारै आबुं खालामगासिनो दं। बर' थुनलाइ आफादआ बेबायदि आरजाथावै सरकारि बिथोनफोरखौ हेंथा होलांबाय थागोन। बेराफारसेथिं, गेदेमा बर' हारिनि राव आरो थुनलाइखौ जौगाहोनो थाखाय सरकारआ लानाय मोनफ़्रमबो गनायथाव आगानखौ मदद होलांबाय थागोन। आफादआ लोगोसे २०२० मायथाइनि खुंथायारि, सोलोंथायारि आरो थिसन्थाइ खान्थिफोरनि बिथोनखौनो अरायथायै बाहायनांगौ होन्नानै दाबि खालामो।◻

दिल्लीनी थागिबि बर' फोराबो दिल्लीयाव बर' बिजों सान फालिदों

मख'जाथावदि, १९६३ ई मायथाइनि १८ मे खालार खालि बर' रावआ आसामनि गुदि फरायसालियाव सोलोंथाइनि मोनसे बिजों महरै थिसनजादोंमोन। बे सर्मनिफ़्रायनो १८ मे सानखौ बर' फोरा बर' बिजों सान महरै फालिबोदों। बेबायदिनो दिनै दुलाराय आसाम नाइै दाब दाब जायगायाव फालिनाय बायदिनो हादरनि राजथाबनि गोदान दिल्ली आवबो दिल्लीनि थागिबि बर'फोरा बर' बिजों आरो बर' रावखौ फोथानानै लाखिनाय आरो फौजौखांहोनायनि सार्थ'आव बर' बिजों सानखौ फालिनाय जाये। दिनैनि बे बर' बिजों सान फालिनायनि लोब्बायै खुंनाय गेवलां मेलआव दिल्ली एनसिआर बर' थुनलाइ आफादनि गहाइ नेहाथारि मुश्रीमा धरित्री नार्जरीया मेलनि थांथिखौ फोरमायनानै होये। बे गेवलां मेलआवनो आफादनि आफादगिरि प्रकैशार निराला रामसियारीया गावनि बिबुंथि लाखिनाय समाव बुछेदि, बर' रावआ फरायसालियाव बिजों महरै थिसनजानायनिफ़्रायनो दासिम गोबां दावगाबोबाय आरो बे दावगानायाव बर'नि गोबां मेंनो रोइै सुबुंफोरनि बिहोमा दं। बिसोरनि गेजेराव बर'नि गिबि फराबिजाब लिरगिरि रूसारि राजेन्द्रलाल नार्जारी, पद्मश्री मदराम ब्रह्म, रूसारि मधुराम बर' आरो रूसारि अरुण कुमार बरगयारी मोननि बिहोमाया मख'जाथाव होन्नानै बिथांमोननि होलांनाय बिहोमाखौ गोसोखानानै गुवारै फोरमायना होयेो प्र: निराला रामसियारीया। बे मेलाव माखासे सोदोमाफोरा गोसो मुडिइै बाहागो लानानै खन्थाइ आवराये। बे मेलाव नुजफैनाय दिल्ली बड' एस'सिएशननि गहाइ नेहाथारि मुस्लि निरन्जन कुमार ब्रह्म आरो बोसोनगिरि मुस्लि सुरेन चन्द्र मोसाहारी मोनहाबो बिबुंथि लाखियो। बे मेलावनो दिल्ली बर' बाथौ गौथुमनि गहाइ नेहाथारि ऊ अलंबर औवारी आरो दिल्ली दलाइसा दुलाराय बर' फरायसा आफादनि आफादगिरि मुस्लि हादुंग्रा नार्जारी मोनहाबो नुजाफैदोंमोन।◻

चिरां जिल्ला बर' थुनलाइ आफादआ बर' रावखौ नेवसिदों होन्ना अजद देख्ांदों

१४ एप्रिल, २०२५ मायथाइयाव राव नेमखान्थिखौ थि खालामनानै बिटिआर आरो बिटिआरनि बायजोनि बर' रावनि बिजों आरो सोलोंथाइ खान्थिनि बिथोनमाखौ फोसावनाय खामानिखौ जुक्ति गैयै आरो बर' रावनि फास्से नेवसिनाय होन्ना जौयो। - बेबायदि बिबुंथिखौ चिरां जिल्ला बर' थुनलाइ आफादनि बोसोनगिरि सुकेल बसुमतारीआ खौरांगिरि मेलनि गेजेरजों दुखु फोरमायनानै मखदों। बे बिथिङाव २०२० नि राव नेमखान्थिखौनो आसामआव थि लाखिनांगौ होन्ना आसाम सरकारनिसिम बर' थुनलाइ आफादनि चिरां जिल्ला आफादआ खौरांगिरि मेलनि गेजेरजों खावलायदों। आसाम सरकारआ दाबिखौ मावफुङाब्ला सोमावसारनायनि अनगायै गुबुन जेबो लामा गैया होन्नानैबो खौरांगिरि मेलनि गेजेरजों हुमखि होये। मखनो गोनांदि, बर' थुनलाइ आफादनि मेलनि जागायजेन्नायावनो चिरां जिल्ला बर' थुनलाइ आफादनि आफादनि फासावनायव बासुगाव गुदि कमिटि बर' थुनलाइ आफादनि बासुगावआव थानाय मावखुलिया 'सुंघि लंथाइ' न' लांगोनायाव सानसेनि हाबाफारिजों दिनै बर' बिजोंनि गनायथिजानाय सानखौ फालिनाय जादों। मखनो गोनांदि, बर' रावआ थानाय १९६३ मायथाइयाव फरा बिजों महरै सरकारि गनायथि मोनदों। बिजों साननि बे हाबाफारियाव जिल्लानि सिङाव थानाय गासै १३ गुदि कमिटि बर' थुनलाइ आफादनि बिबानगिरिफोरजों लोगोसे जिल्ला थाखोनि बिबानगिरिफोराबो हाबाफारियाव बाहागो लादों। बेखौ लोब्बा लानानै फुङाव बर' थुनलाइ आफादनि फिरिफालिखौ जिल्ला आफादगिरि नगेन्द्र नार्जरीआ बिरहोजेनो। फिरिफला बिरहोनानै बिथाङा हारि अनसायगिरि, राव-थुनलाइनि अनसायगिरि मानगोनां सुबुंफोरखौ गोसोखां मान बाउये।◻

बड'लेण्ड मुलुग सोलोंसालिनि बर' विफानआ बर' बिजों सान फालिदों

बाथि फोजोंनाय हाबाफारिखौ मावफुंनायनि उनाव बर' राव, थुनलाइनि थाखाय जिउ बाउसोमलॉनाय गेदेमा सुबुंफोरनि गोजोन जिउमानि थाखाय १ मिनिट सम इस्रोस्नाव आरज गाबो। बेनि उनाव हाबाफारि बायदिदयै लिंथुमगिरि ऊ बिजितगिरि बसुमतारिया बराय बिबुंथि लाखिनायनि गेजेरजों १८ मे, बर' बिजोंनि गोनांथिखौ बेखेवचनै होयेो आरो बर' बिफाननि गहाइ प्रकैशार इन्दिरा बर'आ। ऊ इन्दिरा बर'आखौ १८ मे, बर' बिजों सानजों लोब्बा लाखिनानै बर' बिजोंनि सायाव गोनां गोनां बाश्राफोरखौ बुंथिनानै बेसेन गोसा बिबुंथिजों बेखेवचनानै होये। ऊ लाइस्सि महिलारिआबो हाबाफारिजों लोब्बा लाखिनानै १८ मे, बर' बिजों सान: जारिमिन आरो इयुन आरदानि सायाव गुवारि बिबुंथि लाखियो। बर' बिफाननि फरायसा खन्थाइ बसुमतारिआ हाबाफारिजों लोब्बा लाखिनानै गाव सुनुजना दोंसे खन्थाइ आवराये आरो गुबुन फरायसाफोर आरो संजिरगिरिफोरबो हाबाफारिजों लोब्बा लाखिनानै गाव गावनि बिबुंथिखौ लाखियो। बर' बिफाननि बाररा' फरायसा गौथुमनि नेहातारि अमरजित दैमारिया जेोबथा बुलियाव सबायखर बाउनायजों दिनैनि बे बर' बिजों सान फालिनाय हाबाफरिया मेहेरगोनाइै जेबलाछे।◻

इइपिपिएलनि दैदेनगिरि अशक गयारिआ गोरिब

नख 'रनि फरायसाफोरनो रंखान्थि अनसुंथाइ होदों

मोनगासिनो थादों। थंनाय माखासे सानफोरनिफ्रायनो इइपिपिएलनि दैदेनगिरि अशक गयारिआ देबोरगाव बिटिसि बियाबनि सिङव थनाय दाब दाब गामिफोराव देग्लायनि मेट्रिक आनजाद आरो हायार सेकेण्डारि जेोबथा आन्जादआव उश्रिनाय गोरिब न'खरनि फरायसाफोरखौ बरायनाय हाबाफारि लानायजों लोगोसे बिसोरनि गोजौ सोलोंथाइ लानायाव एसेब्लाबो हेफाजाब आरो थुलुंगा होनायनि असिलायै गावनि फारसेनिफ़्राय रंखान्थि अनसुंथाइ होबोनायखौ नुनो मोनदों। बेनि अनगायैबो खैफोदनि समाव गोरिब न'खरनि लोमजानाय बेरामिफोरनो रंखान्थि मदद होबोदों आरो गोनांथि समाव गोरिबफोरनो नांगौ मुवा बेसादफोर जगायनानै होबोदों। बेबायदिनो दिनैबो कक्राझार जिल्ला देबोरगाव बिटिसि बियाबनि मावरियागाव प्राइमारिनि सिङव थनाय भावरगोजा गामियाव मोनसे हाबाफारि खुंनायनि गेजेरजों मावरियागाव प्राइमारिनि सिङव थानाय गुबुन-गुबुन गामिफोरनि मेट्रिक आरो हायार सेकेण्डारि जेोबथा आन्जादआव उश्रिनाय गोरिब थाखोनि फरायसाफोरखौ बरायनाय हाबाफारि लानाय जाये। मावरियागाव प्राइमारिनि इइपिपिएलनि दैदेनगिरिफोरनि नुजाथिनायाव दिनै समाज सिबियारि आरो इइपिपिएल दैदेनगिरि अशक गयारिआ दिनैनि बे बरायनाय हाबाफारिनि गेजेरजों मावरियागाव प्राइमारिनि सिङव थानाय गुबुन-गुबुन गामिफोरनिफ़्राय देग्लायनि मेट्रिक आरो हायार सेकेण्डारि जेोबथा आन्जादआव उश्रिसार जानो हानाय सा ५० नि बांसिन गोरिब न'खरनि फरायसाफोरखौ बिहु फालिजों दुबुदै बरायनायजौं लोगोसे साफ़्रोमबो फरायसाफोरनो एसेयै रंखान्थि अनसुंथाइ गथायनानै होये। रंखान्थि अनसुंथाइ गथायनो मोन्नानै गोजेोन्नाय फोरमायनानै इइपिपिएलनि दैदेनगिरि अशक गयारिआ फोस्मायोदि, जायफोर न'खरा गोरिब एवा रंखान्थि जेंनाजों मोगा मोगि जानाछे बेबायदि न'खरनि फरायसाखौ जों बयबो थुलुंगा होनो थाखाय जा हाये हेफाजाब खालामनांगौ। बेबायदिनो दिनै आंबो गोरिब न'खरनि फरायसाफोरनो रंखान्थि मदद होनो मोन्नानै गोजेोन्नाय मोनदों आरो इयुनआव बिसोरनि गोजौ सोलोंथाइ लानायाव गोनांथि जायेब्ला हानायसेबां हेफाजाब होनो नाजामोन होन्नाबो फोस्माये अशक गयारिआ। बेराफारसे अशक गयारिनि बेबायदि हाबाफारि लानायखौ फरायसाफोरजों लोगोसे दिथागिरिफोर आरो ओनसोलनि सुबुंफोरा बाङ्जायनानै अशक गयारिनिसिम सबायखर जालियो।◻

तामलपुर जिल्ला बर' थुनलाइ आफादआ मेट्रिक आरो एइस.एस. आन्जादाव सेथि मासि उश्रिसारनाय फरायसाफोरखौ बरायदों

जारिमिनारि सानजों लोब्बा लाखिनानै तामुलपुर जिल्ला बर' थुनलाइ आफादआ बे बोसोरनि मेट्रिक आन्जाद आरो हायार सेकेण्डारि जेोबथा आन्जादाव सेथि मासि लानानै उश्रिसारनाय बर' फरायसाफोरखौ बरायदों आरो मान बाउदों। मेट्रिक आरो हायार सेकेण्डारि जेोबथा आन्जादाव ७५ जौखोन्दोनि बांसिन नम्बर लानानै उश्रिसारनाय सा ४० फरायसाफोरखौ बरायेो आरो मान बाउवो। लोगोसेनो द्वारकुसि दख'रा एबसुआ मेट्रिक आन्जादआव सा १२ आरो हायार सेकेण्डारि जेोबथा आन्जादआव सा ५ सेथि मासि उश्रिसारनो हानाय फरायसाफोरखौ बरायेो। हाबाफारि बायदियै तामुलपुर जिल्ला बर' थुनलाइ आफादनि आफादगिरि खनिद्र नार्जीनि मासि लानानै सामलानायाव बे गेवलां मेलखौ तामुलपुर बियाबनि एम एल ए जलेन दैमारिया बेखेवचनानै होये। गेवलां मेलखौ बेखेवचनानै होनायजों लोगोसेनो एम एल ए जलेन दैमारिया बुंथियोदि, बिजेोङ फरायनायनि बेलायाव जेबो रोखोमनि हेंथा होया, साफ़्रोमबो फरायसाफोरनो गोखों नाजानाय आरो थांथिख थायोब्ला बे जाफुंसारनायखौ मोत्रो हाये। बर' बिजोंजों फरायनाय साफ़्रोमबो फरायसाफोरखौ थुलुंगाखां होनायजों लोगोसेनो बेसेनगेसनि बिबुंथि लाखियो। बेजों लोगोसेनो बिटिआर सरकारआ सोलोंथाइ दावगानायनि थाखाय फारफ़्रोमबो बिथिंआवनो खामानि मावगासिनो दं। फरायसाफोरनो गोजौ सोलोंथाइ होनाय थांथिजों मोनसे मिसन लानानै गोखों खामानि मावदों। बड'फा इउ.एन वद्दा सुपार-५० आ बेनि मोनसे बिदिन्थि होत्रा रोखायै फोरमायथियो एमएलए जलेन दैमारिया। बेजों लोगोसेनो तामुलपुर जिल्ला बर' थुनलाइ आफादनि गहाइ नेहाथारि बरम'हन सोरगियारिआ बे बोसोरनि मेट्रिक आरो हायार सेकेन्डारि जेोबथा आन्जादआव सेथि मासि लानानै उश्रिसारनो हानाय फरायसाफोरखौ बरायनाय हाबाफारि खुंनायनि बागै खौरां बिजोंनि गेजेरजों रोखायै फोरमायथियो। बे हाबाफारिआवनो गहाइ आलासि महरै बर' थुनलाइ आफादनि नेहाथारि बिनय कुमार नार्जरी, माननि आलासि महरै रडिया फरायसालिमानि बिबुंगोरा ऊ केशब दैमारि, तामुलपुर जिल्ला एबसुनि गहाइ नेहाथारि जिबन जिउ बसुमतारी, गहाइ फोरोंगिरि लेबेन बसुमतारी, जयचन्द्र बर', अतुल नार्जारि, रिंखा बर' एमबिए, आइआइएम मुम्बाइ प्रान्रजित बर' बिथांमोनजों लोगोसेनो द्वारकुसि दख'रा एबसुनि मावथिफोर आरो फरायसाफोरा बाहागो लादों।◻

२०२५-२८ बोसोरनि थाखाय गुरुदेब कालिचरण ब्रह्म ट्रास्टनि गोदान आफाद दाबाय

साहित्य अकादेमी बान्था देरहासादगिरि , गुरुदेब कालिचरण ब्रह्म ट्रास्टनि गाइसनगिबि नेहाथारि आरो गसाइगाव बि.एड. कलेजनि गोरायुं ऊ अजित बर'खौ आफादगिरि आरो गुदि फरायसालिनि फोरोंगिरि ऊ रतनलाल ब्रह्मय्यो गहाइ नेहाथारि महरै खौसेयै साइख'थो। बे गोदान आफाद दाबाय हाबाफारियाव बाहागो लादोंमोन दुलाराय ब्रह्म दोहोरोमनि आफादगिरि नेहाथारि, दुलाराय ब्रह्म दोहोरोम आइजो आफाद, लाइमोन आफाद, दोहोरोम फोसाव आफाद, गुरुदेबनि बिचायं फिसा निरन्जन ब्रह्म, पर्वतइरा जिल्ला, गसाइगाव जिल्ला, कक्राझार जिल्ला, चिरां जिल्ला, बाक्सा बरपेटा, उदालगुरि, सनितपुर, बिस्वनाथ, धेमाजि, गवालपारा जिल्लाफोरनिफ़्राय दैदेनगिरिफोरा बाहागो लादोंमोन। २००८ ई माइथायाव जोनोम मोन्नाय गुरुदेब कालिचरण ब्रह्म ट्रास्टआ गुरुदेबनि सान्थौखौ फे हेरनाय आरो फोथानानै लाखिनायनि थाखाय जाय हाबाफोरखौ मावबोदों बैफोर हाबाफोरखौ गोख्रैसिन आरो गुवार लेबेलाव मावनांगौनि गोनांथि दं होत्रानै गोदान बिबान मोनफिननाय ट्रास्टनि आफादगिरि बिथां ऊ अजित बर'आ फोरमाये। थुनलायनि गेजेरजों गिरुदेबखौ सिबिलांनायनि बाश्राखौबो बिथाङ गुवारै फोरमाये। गुरुदेबनि सान्थौ फेहेरनाय हाबा मावनायाव गोबां जेंना जेंसिनि मोगा-मोगि जानो गोनां जाबोदों। नाथाय बि.टि.आर. सरकारनिफ़्राय राडरि मदद मोन्नायजों हाबा मावनायाव मदद मोनबोदों। बर' थुनलाइ आफाद , बर' फरायसा आफादनिफ़्राय मरैल सापट मोननो हानायावबो ट्रास्टआ गुरुदेबनि सान्थौ फेहेरनाय आरो फोथानायनि हाबा मावनो थुलुंगा मोनबोदों। बिथाङ बुंबाबोदि, गुरुदेब कालिचरण ब्रह्म बान्थाखौ हादोर गेजेरारि खोलोबआव लानो जाय हाबाखो ट्रास्टआ मावबोदों बेनि थाखाय गासै राइजो राजाफोरा मदद होनांगौ होत्रानै बिथां बर'आ खावलाये।◻

गसाइगावआव बड 'फानि मुसुखा बेखेवदों

कुमार नार्जरीनि बावसोमनाय आरो जिउ बाउनायनि बाश्राखौ गोसोखानानै बिथाङा बुंदोंदि- बर'फोरनि आरिमु, हारिमु, मोसानाय, दोंबो बायदिफोरखौ मुलुगनि लांगोनायाव दाफुंनायनि बिथिङाव बिसोर गेदेमाफोरनि बिहोमाया गोबां दाइ। बेबायदिनो बड'फा उपेन्द्र नाथ ब्रह्मनि आदर्श सानाया-हनायाव बिथानि बुंथिनाय, बिथानि बाश्राफोरखौ लानानै जों बयबो हारि-हारिसानि समान मोन्थाइ, समायना, समान जौगाखांनायनि बिथिङाव जयै सिगांलानायाव थुलुंगाखां होबोदों होन्ना बुङो। बिथाङा आरोबाव बुंदोंदि, बड'फा उपेन्द्र नाथ ब्रह्मनि सोमावसारनाय समाव बिथानि गहाय मोन्थोरआ जाबाय' थानानै था आरो थानानै थानो हो'। बड'फाया बर' हारिनि थाखाय सोमावसारदोंमोनब्लाबो गासैबो हारि-हारिसानि गेजेराव खौसेथि आरो गेरोबलायनायनि गेजेरजों बयखौबो थुलुंगाखां होबोदों होन्ना गहाय मावफुं सोद्रोमा प्रमद बर'आ गावनि बिबुंथियाव मख'दें। दिनैनि हाबाफारियाव एमएलए जिरन बसुमतारी, बाररा' एमएलए हेमैरुनाथ ब्रह्म, मावफुं सोद्रोमा उकिल मुसाहारि, इइपिपिएलनि मिरु गहाय नेहाथारि रजु कुमार नार्जरीजों लोगोसे माखासे जरखा सुबुंफोर बाहागो लाफैदों।◻

कक्राझारि गहाय हाथायाव १.२५ कौटि रां बाहायनानै गोदान मुगानि खावु गोनां ना हाथायनि न' बेखेवदों

लुजानाय ना हाथार्यनि न'खो बेखेवचनानै बिटिआरनि गहाय मावफुं सोद्रोमा प्रमद बर'आ गोबाव सान नाइै राइजो-रजाफोरा ना हाथायखौ लानानै अजद देखांबोनाय बायदि जेंनाखौ सुस्त्रानायनि मोनसे लामा ओंखारदों होन्ना मख'दें। बिथाङा लोगोसे हाइजेनिक आरो रानि वाटरजों लोगोसे गोदान मुगानि सान्नाय-हनायजों ना फान्मरा न'खो लुनाय जादों होन्ना मिथिहोनानै आगुआव ना हाथायाव गेसाव मोनामनाया साखाथिनि थांगिरिफेजों लोगोसे गुबुन-गुबुन गलाफोरनि फालांगिरिफोरखौ गेसाव मोनामहोदोंमोन, बेबायदि्या आरोबाव जानाय नंलिया होन्ना दाबि खालामो। बिथाङा जेराव कक्राझारआ बिटिआरनि सदर जायगा बेनि थाखायनो कक्राझार सहरखौ गासै बिथिङाव समायना आरो बेजों लोगोसे आर्टिप्सियेल दैबानानिफ़्राय जागायजेन्नानै गासैबो बिथिङावनो समायना खालामनो थाखाय गोनांथिनि गुदि-बिथा लुनायनि थाखाय मास्टर प्लानआ आधिखालाव आबुं जाबाय होन्ना मिथिहोये। खौरां बिजोंनि सिगाङाव गहाय मावफुं सोद्रोमा बर'आ बिटिआरनि सदर कक्राझारआव डुरण्ड कापनिफ़्राय जागायजेन्नानै ग्याननि फोर्बों-थुनलाइयारि फोर्बोंनिफ़्राय जागायजेन्नानै गासैबो बिथिङावनो सिगांलांदों होन्ना मिथिहोये। बिथाङा लोगोसे कक्राझार सहरनि गेजेराव मोनसे गेदेर मेल जथुमसालिजों लोगोसे साइ फोरोंथाइ होग्रा स्टुडियामनि साखाथियाव आलासि थाग्रा न' लुजागोन होन्ना मख'थेो आरो फैगौ १ खारवे दाननि गेजेराव गिबि मन्थ्रि ऊ हिमन्त बिस्व शर्माआ फैनानै १ कौटि रं बाहायनानै लुजानो गोनां स्टुडियामनि अन्थाइ खामफा गायसन्नायनि लाहार फाहार खालामनायनि बाश्राखौ फोरमायना होदों। बिथाङा थानाय ४ बोसोरण कक्राझारनि नालफोरखौ साखोन सिखोन खालामनाय जादों होन्नानै फैगौ १ बोसोरनि गेजेराव मोनफ़्रोमबो जायगायाव लामा लुनाय जागोन होन्ना मिथिहोये। बिथाङा कक्राझार सहरनि आर्टिप्सियेल दै बानानि जेंनाखौ सुस्त्रानो थाखाय आधिखालाव थांथि आजावदों होन्ना मिथिहोये। मखनो गोनांदि, दिनैनि हाबाफारियाव बिटिआरनि गहाय मावफुं सोद्रोमा प्रमद बर'जों लोगोसेनो बिटिआरनि नोगेर जौगाखां बिफाननि मावफुं सोद्रोमा साइइ बसुमतारी, कक्राझार सान्जा बियाबनि एमएलए लेस्से इस्लारी, कक्राझार नोगेर आफादनि मासिगिरि प्रतिभा ब्रह्म, बिटिआरनि नोगेर जौगाखां बिफाननि गहाय बिबानगिरि लंकेस्वर औवारिजों लोगोसे माखासे मावसुमाफोर बाहागो लादों।◻

बाक्सा जिल्ला बर' थुनलाइ आफादआ ६२थि बर' बिजों सान फालिदों

हाबाफारिफोरखौ लानानै खुंफुंनायखौ नुनो मोनो। बे बर' बिजों सान फालिनायनि हाबाफारि बायदियै फुनि ९:३० रिंगायाव बर' थुनलाइ आफादनि गोथार फिरिफलाखौ बिहोयेो बाक्सा जिल्ला बर' थुनलाइ आफादनि आफादगिरि बिनद चन्द्र स्वर्गीयारीआ। मुक्खं खाम्फायाव मुक्खं आरो रूसारि फोरनो बिबार बाउजेनो बाक्सा जिल्ला बर' थुनलाइ आफादनि लेङइ आफादगिरि खोरैस्वर बर'आ। बे फालिथाइनि फिरिफला बिहोनाय हाबाफारि जेोबखांनायनि उनाव खौरां बिजोंआव खौरांगिरि जों मोगा-मोगिआव बाक्सा जिल्ला बर' थुनलाइ आफादनि आफादगिरि बिनद चन्द्र स्वर्गीयारीआ फोरमायनानै बुंथियोदि, आधिखालाव जों बर' हारिनि गेजेराव गावखौनो गाव सावरायलायनायनि आंखाल आरो जॉनि बर' बिजोंनि जायफोर जेंना नुजाथियो बेखौ सुस्त्रानो नाजया जॉनि गुदि थाखोनि फरायसालिफोराव फोरोंगिरिनि आंखाल बेनि थाखायनो नांगौ बायदि सोलोंथाइखौ होनो हाया, जायनि थाखाय खायसे सांग्रां जेोधोनगिरि बिमा – बिफाया गावबा गावनि गथ'फोरखौ गुबुन इराजौ बिजों एबा गुबुन बिजोंनि फरायसालिफोराव गावनि गथ' फोरखौ सोलोंथाइ होनायखौ नुनो मोन्दें। लोगोसे आसाम सरकारनि सायाव माखासे अजद होनानै बिथाङ बुंथियोदि, आसाम सरकारआबो बर' बिजोंनि सायाव खर' सानाय आरो बिमा बाथुलनि नोजेर बेखौ होबोबाय थादों। जाहाथे बर'फोरा बर' बिजों फोथाना लाखिनायाव नांगोबायदि खाबुखौ मोनाब्ला जॉनि बर' बिजोंनि जौगानाया गैया जालांछे, जौगानो हाया जाये बेखौ बिथांमोनखौ हमदानो मोन्दें। बेबायदिनो बावैसो साननि सिगां आसामनि राइजो बैंगिरिआ बिथोन होदोंदि, बर'फोरा बर' बिजोंजों बि टि आर आवल' सोलोंथाइ लानो मोनगोन आरो बि टि आरनि बाइजोनि बर'फोरा गुबुन असमिया बिजोंजों सोलोंथाइ लानांगोन। बेखौ बर' थुनलाइ आफादआ गोख्रोइै बेरेखा खालामो। मानोना बि टि आरनि बाइजोनि बर'फोरा जुदि गुबुन असमिया रावखौ मावख'आरि खामानिफोराव लिरनांगौ एबा बाहायनांगौ जायेब्ला गोबां जेंनानि मोगा मोगि जानांगोन। बेनिखारनो बे १८ मे बिजो सानखौ बर' थुनलाइ आफादआ मोनफ़्रोम जिल्ला आफाद फोरखौ गोख्रोइै फालिनो बिथोन होदों जाहाथे बर' थुनलाइ आफादनि खुदिनायखौ आसाम सरकारआ मोनथिनो हायेो। बे बर' बिजों सान फालिथाइनि लोब्बायै खुंनाय गेवलां मेलआ ११ रिंगानिफ़्राय जागोये। बिनद चन्द्र स्वर्गीयारीनि मेल सानलायनाय बे गेवलां मेलखौ मेहेर गोना बिबुंथिनि गेजेरजों बेखेवचनानै होयेो जपाद गौजो फरायसालिनि गहाइ फोरोंगिरि बिरेन बर'आ। मेलाव गहाइ आलासि महरै बाहागो लायेो अल आसाम ट्राइबेल संघनि बाररा' गहाइ नेहाथारि थानेस्वर बर'आ। थांथिखजानाय आलासि महरै बाहागो लायेो बर' थुनलाइ आफादनि लेङइ आफादगिरि सिताराम बसुमतारीआ। बे गेवलां मेलावनो बाक्सा जिल्ला बर' थुनलाइ आफादनि बिबानगिरिफोरजों लोगोसे बाक्सा जिल्ला बर' थुनलाइ आफादनि बेन्दोंआव थानाय गुबुन गुबुन गुदि बर' थुनलाइ आफादनि बिबानगिरिफोर, मेलेमर्जिबि सानसुमैफोर, जपाद गौजौ फरायसालिनि फरायसुला फरायसुलिफोर आरो गोबां राइजो राजाफोरखौ बाहागो लानायखौ नुनो मोनो।◻

माहाम देहानि राहा सजना बिलाइआ देहानि थाखाय मुलाम्फा गोनां

जुदि नोथाड सजना बिलाइखौ जायाब्ला बेखौ दिनैनफ्रायनो गावनि डाइटआव आजावनानै लाफानो हागोन। बेजों जोबोद मुलाम्फा मोनगोन। सुलुडव फोरमायनाय बायदब्ला, सजना बिलाइखौ गोबां बोसोरनिफ्रायनो आर्युबेदिक मुलिफोर बानायनो थाखाय बाहायनाय जायो। बेयाव भिटामिन, कनिज, एन्टि अक्सिडेन्ट थायो। बेखौ माखासे बेमारफोरनि फाहामथायावबो बाहायनाय जायो।

1. डाइबेडिसनि बेमारिफोरनि थाखाय सजना बिलाइआ जोबोद बाहाय जाथाव। अदेबानि सजनानि बिलाइआव एन्टि अक्सिडेन्ट गुन थायो, जायनि जाहोनाव ब्लाड सुगारआ कन्ट्रलआव थायो। बेनिखायनो सजनानि बिलाइखौ डाइटआव लाफानांगौ।

2. सजनानि बिलाइ जानायजों देहायाव गात्रि कलेस्ट्रल सोमजिया। अदेबानि बे बिलाइफोराव अमेगा-3 पेटि



एसिड थायो, जाय कलेस्ट्रलनि थाखोखौ खम खालामनो हायो। बेजों बिखाजों सोमोन्दो थानाय जेंनाफोरखौ जानगार खालामनायाव मदद मोनो।

3. सजना बिलाइआव गोबां बिबानि पटासियाम थायो जायजों बिपि कन्ट्रल खालामनायावबो मदद मोनो। बेनिखायनो जायनि बिपिआ हाइ बिसोरो गावनि डाइटआव सजना बिलाइखौ आजावना लाफानांगौ।

4. सजना बिलाइजों केन्सारनि अलखदआबो खम जायो। मानोना बेयाव माखासे रोखोमनि एन्टि अक्सिडेन्ट, भिटामिन सि थायो जाय केन्सार

जिबखिफोरखौ आरो रेडिकेल्सनि गोहोमफोरखौ खम खालामनायाव मदद खालामो।

5. बेजों लोगोसे एनिमियाआवबो सजनानि बिलाइआ जोबोद मदद खालामो। मेगनफोरनि सोरंखौ गोखों खालामनायावबो सजनानि बिलाइआ बान्जायजाथाव। अदेबानि रोखोमसे मैंगंखौ जानायजों गोबां मुलाम्फा मोनो हागौ। (नट: बेयाव होनाय राहाफोरा सरसनस्त्रा खौरनि थाखायल' बेखौ आजावना लानायनि सिगां जरखागिरिफोरनि बोसोन लागो)□

फाइनाल डेस्टिनेसन ब्लाडलाइन्स सावथुनआ बक्स अफिसआव सानथामनि गेजेराव गिदिर रेकर्ड सोरजिदों



बलिउड एबा हलिउड, हरर जनारनि सावथुनफोरा जेब्लाबो सिनेमा हलफोराव दोहौ सोमजिहोयो। आथिखालाव मुलुगनि गिथावनासिन सावथुनफोरनि गेजेराव मोनसे हरर सावथुनआ बक्स अफिसआव सानथामनि गेजेराव मोनसे गिदिर रेकर्ड बानायखांबाय। बे गिथावना सावथुनआनो जादों फाइनाल डेस्टिनेसननि 6 थि खोन्दो

फाइनाल डेस्टिनेसन ब्लाडलाइन्स। फाइनाल डेस्टिनेसन ब्लाडलाइन्स सावथुनआ सानथाम सिगां 15 मेखालि हादरनाडै सिनेमा हलफोराव रिलीज जादों। बे गिथावना सावथुनआ वर्ल्डवाइड दोहौ सोमजिहोगासिनो दं आरो भारतआवबो मोजां कालेक्सन खालामदों। ससेल मिडिया रिभिउजनि बादिब्ला,

नायगिरिफोरा सिनेमा हलफोराव बे सावथुनखौ नायनानै गिनो हमदों आरो बे गिनाया सिनेमा हलसिमल' नडा, बक्स अफिसआवबो गिखांनायखौ नुनो मोन्दों। सानथामआव बे सावथुनआ मोजां कालेक्सन खालामबाय। सेकनिलकनि बादिब्ला, दासिमाव फाइनाल डेस्टिनेसन ब्लाडलाइन्स सावथुनआ मुलुगनाडै 200 कौटि रानि

दिलिप कुमारआ गावनि अट'बायग्राफिआव मधुबालाजों गावजोंनि सोमोन्दै बाश्चा फोरमायदों

सावथुन मुलुगाव 50 जौथाइनि मुंदांखा अन-स्क्रीन ज'रा मधुबाला आरो दिलिप कुमारनि अफ-स्क्रीन एफेयारआ गोबां खौरंआव थादों। बिसोरखों लोब्बा थानाय मोनसे बाश्चाया जोबोद लाइमलाइटआव थादोंमोन। मधुबाला आरो दिलिप कुमारनि गेजेराव मोजां मोनलायनाया 1951 आव तरना सावथुननि सेटआव जागाय जेन्दोंमोन। सानैबो अन-स्क्रीन बेस्ट जरमोन, बिसोरनि अफ स्क्रीन ज'राखौबो जोबोद अन्साइदोंमोन, नाथाय उनाव' नया दौर' सेटआव सानैनि सोमोन्दोआ गात्रि जायो आरो 'मुगल-ए-आजम' सावथुननि सम सिमाव औरैबायदि गात्रिसिन जादोंमोनदि, सानैजों अराय समनि थाखाय गावस्त्रालायदों। नाथाय मुगल-ए-आजमनि बिथोनगिरिया



मधुबालाखौ दिलिप कुमारनि आंगो जाहैनो बोसोन होदोंमोन। बे बाश्चाखौ दिलिप कुमारआ गावनो गावनि अट'बायग्राफिआव फोरमायदोंमोन। बिथाडा अट'बायग्राफियाव मिबथि होदोंदि, मुगल-ए-आजमनि बिथोनगिरि आसिफआ मधुबालाखौ देहायारि सोमोन्दो लाखिनानै दिलिप कुमारखौ गावनि खालामना लानो थाखाय बोसोन होदोंमोन। न्युज 18 नि बायदिब्ला, दिलिप कुमारआ

गावनि अट'बायग्राफिआव लिखदोंदि, बेयो हमदंानाय एबा खैसार सानाय नडामोन, आसिफआ आनि थाखाय मधुबालानि फिलिंग्सखौ मिबथिखायोमोन मानोना बिथाडा मधुबालानो गावनि गोसोनि बाश्चाखौ फोरमायना लादोंमोन। आनि आरखुखौबो बिथाडा मिबथिखागौमोनदि, आं औरैबायदि सुबुं जाय पारसेनेल आरो प्रफेसेनेल लाइफजों लोब्बा थानाय थांखिखौ हरखाबे बै लाया।□

फावखुंगुर सानि देअलनि 'जाट' सावथुनखौ नेटफिलक्सआव रिट्रम खालामसिगोन

बलिउडनि गोखों फावखुंगुर सानि देअलनि बावैसो रिलिज जानाय 'जाट' सावथुना एप्रिल 2025 आव सिनेमा हलफोराव नुजाथिदोंमोन। सावथुनखौ नायगिरिफोरा जोबोद मोजां मोन्दोंमोन। फावखुंगुरा गिबि खेब साउथनि बिथोनगिरिजों लोगोसे जयै खामानि मावदों। सावथुननि बक्स अफिसआव जाफुंसारनायनि उनाव मेकारफोरा बेखौ अनलाइन रिलिज खालामनो सान्दों। सावथुननि अटिटि रिलिजखौ लानानै गोदान आपडेट सोरांआव फैबाय। सानि



देअलआ गदर 2 सावथुननि जाफुंसारनायजों सिल्भार स्क्रिनआव फैफिन्दोंमोन। बे ब्लकबास्टारनि उनाव बिथाडा 2025 आव 'जाट' सावथुनजों लोगोसे नायगिरिफोरखौ

एन्टारटेन खालामदों। बे सावथुनखौ साउथनि मुंदांखा फिल्ममेकार गपिचन्द मालिनेनिआ दिहुन्दों। अटिटि प्लेनि मोनसे खौरांनि बायदिब्ला, जाट सावथुनखौ 5

जुन 2025 आव अटिटिआव रिट्रम खालामनाय जागोन। नाथाय दासिमबो बेखौ फोसावनाय जायाखै। रिपर्टनि बायदिब्ला सानि देअलआ सावथुना

नेटफिलक्सआव रिट्रम खालामनाय जागोन। सावथुननि बक्स अफिस कालेक्सननि बाश्चा सावरायोब्ला, बे सावथुना भारतीय बक्स अफिसआव 88.26 कौटि रं आरजिदोंमोन। फारसेथिं वाल्डवाइट कालेक्सना 118.36 रं थादोंमोन सावथुनाव जगपति बाबु, राम्या कृष्णन, सैयामि खेर, जरिना वहाब, भिनित कुमार सिंह, प्रशान्त बजाज, पि रविशंकर, अजय घष, बल्लु पृथ्विराज, स्वरूपा घष आरो मकरन्द देशपाण्डे स्टारफोराबो गाहाइ फावफोराव दं।□

जावेद अरव्तरआ शिव सेना एमपि सजय राउतनि बिजाब लन्च खालामनाय इभेन्टआव बाहागो लादों

खन्थाइगिरि, लिस्सिस्ट आरो लिस्सिस्ट जावेद अख्तरआ गावनि फेयारलेस रायनि थाखाय मिबथि जायो। अमिताभ बच्चनखौ डन बानायनाय जावेदआ सलिम खानजों लोगोसे लोगो नानानै



माखासे फावखुंगुरफोरनि खाफालखौ गोजों खालामदों। बिथांनि लिस्सिस्ट सल'फोरा गिदिर पर्दाआव दोहौ

जेब्लायबो समाजफोरनि सायाव गुवारै गावनि राय दोनो। गोबां खेब बिथाडा टूल खालामजानाय थांखियावबो थायो। बावैसो सिगां बिथाडा सावरायग्राफोरनो फिन्नाय होदों। अदेबानि, जावेद अख्तरआ शिव सेनानि एमपि सन्जय राउतनि बिजाब नर्क तला स्वर्गनि लन्च इभेन्टआव बाहागो लादों आरो मिबथि होयोदि, माबोरैहाय सुबुंफोरा बिथांखौ गियालासे बाश्चा बुंनारनि थाखाय टूल खालामो। इभेन्टआव जावेदआ बुडोदि, 'औरैबायदि जायोदि, नोथाड सोरबा सासेनि फारसे

जानानै बुडो अब्ला गोबां सुबुंफोरखौ दुखु होनाय जायो। आं नौसोरनो आनि टुडटार आरो व्हाटसएपखौ दिन्थिनो हायो, जेराव फारनै थिंजायबो आंखौ रायहरो। जावेद अख्तरआ बुडोदि, गोबां सुबुंफोरा आंखौ बाख्नायोबो आरो आंखौ थुलुंगाबो होयो, नाथाय बेबो सैथोदि, फारनैथिंजायबो आंखौ रायहरो। बिब्दिनो जानांगौबो, मानोना जुदि फारसेथिं सिरि थायोमोनब्ला आं गोमोहाबगौमोन जे आं माबाफोर गात्रि मावफलांबाय नामा होन्नानै सान्नाय फैदोंमोन।□

जुनियर एनटिआरनि अन्साइगिरिफोरा गोमोथावना अन्थोब मोनगोन

ऋतिक रशन आरो जुनियर एनटिआरआ 'वार' सावथुन सिक्वेल 'वार 2' आव जयै नुजाथिगोन। सावथुनाव सानैखौ जयै नायनो थाखाय अडियन्सफोरा एक्साइटेड जाना दं। मेकार्सफोराबो सावथुनाव जोबोद खस्थ' खालामदों जाहाथे सिल्भार स्क्रिनआव बेखौ जोबोद मोजाडै नुयो। सावथुनखौ लानानै सानफ्रेमबो गोदान आपडेटआ सोरांआव फैबाय थायो। नाथाय बे खेबाव जाय खौरंआ सोराडव फैदों बेखौ मिबथियोब्ला नोथांमोननि एक्साइमेन्टआ आरोबाव बांवावगोन। मिबथि होनाय जायोदि, गोबाव समनिफ्राय सावथुननि टीमआ सावथुननि टिजार लन्चआव खामानि मावगासिनो दंमोन। वार 2



सावथुना बे बोसोरनि मस्ट अवेटेड सावथुनफोरनि मादाव मोनसे। बेनि गेजेराव ऋतिक रशननि स्टर्निफ्राय सावथुननि टिजार लन्चखौ लानानै दोहौ सोमजिदों। मेकारफोरा 'वार 2' सावथुननि टिजारखौ रिलिज खालामनो प्लान खालामगासिनो दं आरो बेनि थाखाय बिसोरो मोनसे जर'खा

सानखौ थि खालामदों, जायखौ ऋतिक रशनआबो इंगित होदों। फावखुंगुरा गावनि स्टर्नियाव साउथनि फावखुंगुर एनटिआरखौ लाफानानै लिरोदि, हे एनटिआर, नौ मिबथिगौना बे सोलिफु बोसोरनि 20 मे दानाव मा जागोन? आनि बुंनारखौ फोथाय बेखौ नौ मिजिं थियाखैमोनबो जानो हागौ।

मिबथि होनाय जायोदि, 'वार 2' सावथुनाव जुनियर एनटिआरआ नेगेटिव फावआव नुजाथिगोन। 20 मेखालि जुनियर एनटिआरआ गावनि जोनोम सान फालिगोन, बेनिखायनो मेकारफोरा जानो हागौ वार 2 सावथुननि टिजारनि थाखाय अक्खौ फाइनाल रोखा खालामबाय। नाथाय दासिमबो बेखौ फोसावनाय जायाखै। वार 2 आव ऋतिक रशनआ एजेन्ट मेजर कबिर थलिवाल महाराव नुजाथिगोन। बबेखानि कियारा आडवाणिआ गाहाइ फावआव नुजाथिगोन। बे सावथुना 14 आगस्टखालि थियेटरआव रिलिज जागोन। वार सावथुनखौ पेन इन्डियाआव रिलिज खालामनाय जागोन।□

थुडाराम सावथुना बक्स अफिसआव जोबोद गोखैथियै आवगायगासिनो दं

'एल 2 एम्पुरान' नि जाफुंसारनायनि उनाव महनलाल थुडारामनि जाफुंसारनायनि गोजोन्नायखौ लागसिनो दं। सावथुना जेबो ग्रेन्ड प्रमशन गैया लासेनो बक्स अफिसनिफ्राय गोबां रं आरजिबाय। थुडारामआ 25 एप्रिलखालि सिनेमा हलफोराव रिलिज जादोंमोन आरो दिनै बे सावथुना सिनेमा हलफोराव 17 सान जाबाय आरो सावथुननि रां आरजिनायनि गोखैथिया दासिमाल बुलेट ट्रेन बायदिनो दावखोगासिनो दं। थुडारामआ बक्स अफिसआव गिबि सानाव 5.24 कौटि रं आरजिदोंमोन, जायखौ नायनानै सान्दोंमोनदि सावथुना जेबो



जर'खा दिन्थिफुंनो हानाय नडा नाथाय सावथुना थानाय सानजों लोगोसे मोजां गोखैथिजों आवगायदों। बक्स अफिसनि अन्जिमाया दोनग्रा रिपर्टनि बायदिब्ला, 17 थि सानसिमाव वाल्डवाइड 217 कौटि रं

कालेक्सन खालामबाय। 2025 माइथाया महनलालनि थाखाय जोबोद मोजाडै सोलिगसिनो दं। फावखुंगुरनि सावथुनफोरा मोनसेनि उनाव मोनसे बक्स अफिसआव मोजां पारफर्म खालामगासिनो

दं। जेब्लायबो नुनो मोन्नाय जायोदि, सिक्वेल सावथुनफोरा गिबि खोन्दो बायदि जाफुंसार जानो हाया, नाथाय महनलालआ बे ट्रेन्डखौ सिफायनायनि खामानि मावदोंमोन। बिथांनि

मालायालम सावथुन मुलुगनि दासिमनि बांसिन रं आरजिनो हानाय सावथुन जादों। बबेखानि दा नायनो गोनां बाश्चाया बेनोदि, थुडारामआनो बक्स अफिसआव बे बायदि पारफर्मन्स होनो हागोन ना हाया।□

श्रीजाआ टेबल टेनिस वर्ल्ड कपआव जेन्नादों

गोदान दिल्ली, 18 मे: भारतनि नम्बर 1 गेलेगिरि श्रीजा अकुलाआ गिबि खोन्दोआव जेन्नादों नाथाय दिया चितले आरो मानुष शाहजों लोगोसे हादरनि गुबुन गेलेगिरिफोरा टेबल टेनिस वर्ल्ड चेम्पियनशिपआव आयजो आरो हौवाफोरनि हारसिं बादायलायनायनि नैथि खोन्दोआव जाफुंसारै सौहैनो हादों। भारतनि जराफोराबो जावजा थाखोआव नैथि खोन्दोआव सौहैनायव जाफुंसार जादों। दीया चितले आरो यशस्विनी घरपड़ेनि जरा, मुखर्जी बिब'-बिनानावफोर (आयहिका आरो सुतीर्थ) जों लोगोसे टेबल टेनिस चेम्पियनशिपआव गाव-गावनि आयजोफोरनि जावजा बेखेवनाय बादायलायनायखौ देरहादों। मानव ठक्कर आरो मानुष शाहनि हौवा जरायाबो देरहानायजों गावसोरनि फोसावनायखौ जागायदों। अकुलाआ गावनि गेलेनायव जोबोद एसेल' गोरोनैथि खालामो आरो थाइलेन्डनि सुथासिनी सावेट्टाजों 1-4 (11-9, 8-11, 6-11, 5-11, 2-11) आव जेनदों। बेयो भारतयारि गेलेगिरिनि थाखाय मोनसे दुखु नाथाय दिन्थिफुं'नायमोन मानोना



बिथांजोआ मुलुगनि 84 थि मासियाव थानाय गेलेगिरिजों जेननायनि उनाव गिबि खोन्दोआव बादायलायनायनि फाई ऑखारनादों। श्रीजाआ गिबि गेमखौ देरहाखानायनि उनाव गावनि खबामखौ खोमाना लादों आरो गोरोनैथि खालामबाय थानानै 33 मिनिटआवनो जेनदों। एसियान गेम्सनि बान्था देरहागिरि आयहिका आरो सुतीर्थआ तुर्कीनि अज्ने यिलमाज आरो इस हरकनि जराखौ मोनबा गेमनि मोनसे गोसो गुदु मेचआव 3-2 (4-11 11-9 10-12 11-9 11-7) स्करजों फेजेनदों। बेफिथायनि ओथिया बेनोदि भारतनि जराया मोनद' मेचफोर जेननायनि मोनसे फारिखौ फोजोबदों आरो आइ.टी.टी.एफ. वर्ल्ड चेम्पियनशिपनि उननि खोन्दोआव हाबदों। दीया आरो यशस्विनीनि नैथि भारतयारि

भारतआ आर्जेन्टिनायाव खुंजानो गोनां टुर्नामेन्टनि थाखाय जुनियर आयजो हानजाखौ फोसावबाय

गोदान दिल्ली, 18 मे: हकी इन्डियाआ आर्जेन्टिनानि रजारियआव जानो गोनां दरब्रै हादर बादायलायनायनि थाखाय सा 24 सोद्रोमायारि भारतयारि जुनियर आयजो हानजाखौ फोसावबाय, जेराव गलकिपार निधिखौ केसेन आरो हिना बानखौ लेखइ-केप्टेन महरै थिसननाय जायो। बे बादायलायनाया 25 मेनिफ्राय 2 जुनसिम खुंजागोन, जेराव भारत, बानजायगिरि आर्जेन्टि, उरुवे आरो चिलीनि हानजाफोर थागोन। दिसेम्बराव खुंजानो गोनां जुनियर बुहुमनां कापनि थियारिफोरनि बाहागो महरै, भारतयारि हानजाया मोनफ्रोम हानजानि हेंथायै मोननै मेच गेलेगोन। भारतनि जुनियर आयजो हकी टीमनि कच तुषार खांडेकरआ मोनसे फोसावलाइआव बुंदोंदि, हानजानिफ्राय साबसिन गेलेगिरिफोरखौ सिनायनो लुबैदों। बे दावबायनाया गेलेगिरिफोरनो बेसेन गोसा गेजेर हायुंआरि रॉमोन्दाथि होगोन। एन्जेल हर्ष रानी मिन्जखौ हानजायाव नैथि गलकिपार महरै सोफानाय जादों, जेराव विद्याश्री बाथिखौ थाखथियारि दोननाय जादों। रैखाथियाव ममिता ओराम, लालथनल्लुआं, मनीषा,



पुजा साहु, पार्वती टप्प, नन्दिनी खालामदों। मिडफील्डआव रजनी केरकेट्टा, बिनिमा धन, आरो साक्षी शुक्लाया काट प्रियंका यादव, अनिशा साहु, खैदेम शिलेमा चानू, संजना हर,

सचिन तेंदुलकारनि उनाव सासे क्रिकेटरआ भारत रत्न बान्था मोनसिगोन

गोदान दिल्ली, 18 मे: भारतआरि गेलेमुनि जारिमिनाव सासेल' गेलेगिरिखौ हादरनि गोजौसिन नोगोरारि सन्मान भारत रत्नजों मान होनाय जादों आरो बेयो मास्टर ब्लास्टर सचिन तेंदुलकार। फेब्रुआरि 2014 मायथाइयाव बै समनि हादरगिरि प्रणब मुखर्जीआ सचिनखौ भारत रत्न बान्थाजों मान होदोंमोन। बै समनिफ्राय रावबो गुबुन गेलेगिरिया बे सन्मानखौ मोनाखै। आथिखालाव भारतनि बारग' क्रिकेटर सुरेश रैनाआ भारतीय



हान्जानि गेदेमा बेट्समेन भिराट कहलिनो बे मानगोनां बान्थाखौ होनो खावलायदों। रैनाआ फोथायोदि, भिराटआ भारतारि क्रिकेटखौ बै जौथायसिम लानो आरो हादर गेजेरारि थाखोआव हादरनि गोग्गानाय लाबोनायनि थाखाय भारत रत्न बान्थानि मोनथावना। कहलिआ बावैसो टेस्ट क्रिकेटनिफ्राय आजिरा लानायखौ फोसावदों। मोनसे सावरायलायनायाव सुरेश रैनाआ बुंदोंदि, कहलिआ भारत आरो भारतआरि क्रिकेटनि थाखाय जाफुंसारनाय मोनफुं'नायफोरनि थाखाय बिथांखौ भारत रत्नजों मान होनांगौ। भारत सरकारआ बिथांनो भारत रत्न बान्था होनांगौ। रैनानि बिबुंथिनि उनाव कहलिआ भारतनि गेलेमु जारिमिनाव भारत रत्न बान्था मोननो हानाय नैथि गेलेगिरि जानो हागोन ना हाया बेनि बागै ससियेल मेडियाआव सावरायनाया गोखौंसिन जादों। बिथाडा रहित शर्मानि

सुप्रिया कुजुर आरो प्रियंका डगरा सोफानाय जागोन। हुडा खान आरो मुनमुनि दासखौ स्टैंडबाय मिडफील्डर महरै फारिलाइ खालामनाय जादों। फारवार्ड महरै, हिना बान, सनम, सुकवीर कौर, गीता यादव, लालरिनपुई, कनिका शिवच आरो कर्मनप्रीत कौरखौ सायख'नाय जादों। सेलेस्टिना हर'खौ स्टेन्डबाय महरै मुं होनाय जादों। भारतनि गिबि मेचआ 25 मेआव चिलीनि हेंथायै जागोन।

टेस्टनिफ्राय आजिरा लानायनि 5 सान उनाव टेस्ट फर्मेटनिफ्राय आजिरा लानायनि फोसावो। कहलिआ 123 टेस्ट मैचआव 30 जौसे आरो 31 जौसेनि खावसेजों 46.85 नि स्ट्राइक रेटजों 9,230 रान बानायदों। बिथाडा थानाय बोसोरावनो टी-20 क्रिकेटनिफ्राय आजिरा लानायनि बाश्चा फोसावदों। दायो बिथांखौ सानसेयारि गेजेर हायुंआरि क्रिकेटल' गेलेनाय नुनो मोनगोन। मख'जाथावदि, कहलिआ क्रिकेटनि मोनफ्रोम महराव गावनि बेटिनि रेंग'थिखौ फोमान खालामबाय आरो गावनि मुखव गोबां जारिमिनारि रेकर्ड बानायदों। बिथांनि दैदेन्नायाव भारतारि हानजाया टेस्ट क्रिकेटआव गोदान जौथाय मोननो हादों आरो अडिआइ आरो टी-20 मोननैबो महराव साबसिन दिन्थिफुंदोंमोन।

आइपिएल 2025 आव गुबुन सासे सोलायनाय फोसावनाय जादों, केकेआरनि हानजायाव सासे स्पिनार जायगा मोनदों

गोदान दिल्ली, 18 मे: आइपिएल 2025 आ मोनसे गुसुं जिरायनायनि उनाव जागायफिनबाय। बे बादायलायनायाव दासिम गासे 58 मेचफोर गेलेबाय आरो कलकाता नाइट राइडर्सजों लोगोसे प्लेअफ बादायलायनायनिफ्राय मोन 4 हानजाफोर जायखारबाय। प्लेअफ बादायलायनायनिफ्राय ओंखारनायनि उनाव डिफेन्डिं चेम्पियन कलकाताआ मोनसे गिदिरि थिरांथा लायो। कलकाता नाइट राइडर्स एबा केकेआरआ आइपिएल 2025 नि आद्रा थानाय मेचफोरनि थाखाय गावसोरनि हानजायाव सोलायनाय लाबोदों, जेराव वेस्टइन्डिजनि अलराउन्डर रमेन पवेलनि जायगायाव मध्य प्रदेशनि लाइमोन स्पिनार शिवम शुकलाखौ लाबोनाय जादों। के के आरआ सिगाडखवनो फोरमायखादोंमोनदि, रमेन



पवेल आरो इलेन्डनि मइन आलि सानैबो सावफाहामारि जाहोननि थाखाय टुर्नामेन्टनि आद्रा थानाय मेचफोराव बाहागो लानो हानाय नड। फ्रेन्चाइजीआ गावसोरनि फोसावनायाव बुंदोंदि, रमेनआ मोनसे खान्थिजों सोलिगासिनो दं आरो आइपिएलआव आरोबाव बाहागो लानो हानाय नड। 29 बोसोर बैसोनि शिभम

शुकलाआ सैयद मुश्ताक अली टुफीआव मोनसेल' सिजन गेलेदों जेराव बिथाडा गासै 8 उइकेट लादोंमोन। बेनि अनगायैबो बिथाडा मध्य प्रदेश प्रीमियर लीगआव मोनसे गोहोम गोना दिन्थिफुंदों, जेराव बिथाडा 10 उइकेट लाना टुर्नामेन्टनि बयनिखुइ बांसिन उइकेट लागिरि मोन। मख'जाथावदि, केकेआरनि

आइपिएल 2024 आव बिमुंखौ रैखा खालामनायनि सिमांआ बे खेबाव बायबाय। बेंगलुरुआव अखा हानायनि जाहोनाव मेचखौ केनसेल खालामनाय जादों, जायनि जाहोनाव हान्जाया प्लेअफ बादायलायनायनिफ्राय ओंखारनो गोनां जादों। केकेआरहा लीग थाखोआव मोनसेल' जोबथा मेच दंबावो। केकेआरनि हानजाया 25 मेआव

दिल्लीआव सनराइजर्स हैद्राबादनि हेंथायै गावसोरनि केम्पेइनखौ फोजोबगोन।

पारुल चौधुरिआ दहा डायमन्ड लीगआव हायुंआरि रेकर्ड बानायदों

गोदान दिल्ली, 18 मे: भारतनि पारुल चौधुरिआ गावनि 2025 एथलेटिक्स सिजनखौ मोजाड़े जागायजेनो, मानोना बियो काठारआव दहा-दहा डायमन्ड लीग 2025 आव आइजोफोरनि 3000 मिटार स्टीपल चेसआव मोनसे गोदान हायुंआरि रेकर्ड गायसनदों। बिथांजोआ 9:13.39 नि सम रेबगान्थिदों आरो सिगानि बुडापेस्टआव 2023 मायथाइनि बुहुमनां चेम्पियनशिपनि समाव बानायनाय रेकर्ड 9:15.31 खौ सिफायदों। पारुलआ मोनसे



जोबोद बादायलायनाय मख'जाथावदि, बिथाडा पेरिस बादायलायनायाव द'थि जायगा 2024 अलिम्पिकनिफ्राय रुपानि आवग्रिनो हादों। मेडेल देरहागिरि युगान्डानि

पेरुथ चेमुताइनि सिगाडख थादों, जाय 7 थि मासियाव थाफेदों। बिथांनि मख'जाथाव समा फैबाय थानाय बुहुमनां एथलेटिक्स चेम्पियनशिपनि थाखाय 9:18.00 नि क्वालीफाईंग मानथाखोखौबो गोरलैयै बारलांदों, जेराव बेयो सेप्टेम्बरआव टकिय'आव जाहैगोन। पेरिस अलिम्पिकआव ब्रन्ज देरहानाय केन्यानि फेथ चेर'टिचआ 9:05.08 नि समजों सेथि जायगा आवग्रिनो हादों। सोलिबाय थानाय अलिम्पिक चेम्पियन बाहरननि विन्फ्रेड यावीआ 9:05.26 जों नैथि थाखोआव फैदों। बेयो पारुलनि 2025 मायथाइनि एथलेटिक्स सिजननि गिबि खारनाय बादायलायनायखौ दिन्थियो। हौवाफोरनि 5000 मिटार बादायलायनायाव भारतनि गुलभिर सिंहआ गावनि डायमन्ड लीगआव जागायजेन्नायाव 13:24.32 सेकेन्डजों गुथि थाखोआव थादों। एशियान गेम्सनि ब्रन्ज मेडेल देरहागिरि 10,000 मिटारआ बिनि सिगां बस्टनाव 12:59.77 रानजों 5000 मिटारआव हायुंआरि रेकर्ड बानायदों।

भिराट कहलिआ टेस्टनिफ्राय आजिरा लाखांनयनि उनावबो इलेन्डआव थांगोन

गोदान दिल्ली, 18: भारतनि मुदांखा बेट्समेनफोरनि गेजेराव सासे भिराट कहलिआ 12 मेआव टेस्ट क्रिकेटनिफ्राय आजिरा लानाय फोसावो। कहलिआ भारतनि इलेन्ड दावबायनायनि सिगां बे थिरांथाखौ लादोंमोन। बबेखानि बिथांखौ दासिमबो इलेन्डआव गेलेनायखौ नुनो मोनगोन। इलेन्डनि मोनसे काउन्टीआ कहलिजों मोनसे रादाय खानायाव सागान होनो गोसो गुदु। जदि कहलिआ गनायो, अब्ला बिथांखौ काउंटी क्रिकेटआव गेलेनाय नुनो मोनगोन। इलेन्डनि मिडिलसेक्स काउन्टीआ बुंदोंमोन दि, बियो बिराट कहलिखौ बर्डआव लाबोनो गोसो दं।

कहलिखौ दा खालि सानसेयारि क्रिकेटल' गेलेनाय नुनो मोनगोन। थानाय बोसोराव बिथाडा टी-20 क्रिकेटखौ बिदाय होदोंमोन आरो दा टेस्ट क्रिकेटखौबो बिदाय होबाय। बेनि ओथिया बेनोदि, बिहा थोजासे सम थागोन। मिडिलसेक्सनि क्रिकेट दिथागिरि एलन कोलमैनआ इराजि खौरां बिलाइ द गार्जियनजों रायज्जलायनाय समाव कहलिजों रायज्जलायनो गोसो जानायखौ फोरमायदोंमोन। बिथाडा बुंदोंमोन, “भिराट कहलिआ आथिखालनि जोलैनि बयनिखुइबो देरसिन गेलेगिरि। बेनिखायनो, थारैनो जों बिथांजों रायज्जलायनो लुबैयो।” मिडिलसेक्स



टीमआ लर्ड्सआव गावसोरनि नख'रारि मेचफोर गेलेयो। गोबां गिदिरि गेलेगिरिफोरा बे हानजानि बाहागो जाबाय। कहलिनि खाथि लोगो एबी डिभिलियासआबो 2019 मायथाइनि टी-20 ब्लास्टआव बे टीमनि थाखाय गेलेदोंमोन। केन उडिलियमसनआबो बे सिजननि नैथि हाफआव बिथांमोननि जानानै गेलेदोंमोन। बिसिसिआइजों गावनि रादायनि थाखाय कहलिआ टी-20 ब्लास्ट आरो द हंड्रेड बायदि लीगआव गेलेनो हानाय नड, नाथाय बिथाडा थारैनो काउन्टी चेम्पियनशिप आरो मेट्र बैंक कापआव बाहागो लानो हागोन। मिडिलसेक्सआ कहलिखौ सागान

होनो गोसो जानायखौ फोरमायदों, नाथाय सौंथिया बेनो दि, कहलिआ बेखौ गनायगोन नामा। गोबां भारतारि गेलेगिरिफोरा काउन्टी क्रिकेट गेलेदों। नाथाय बिथांमोनहा गावसोरनि केरियारनि गिबि बोसोरफोराव बे थिरांथाखौ लादोंमोन। कहलिनि केरियारआ दा गाहायाव फैगासिनो दं। बियो अडिआइल' गेलेगोन। बेबादि थासारियाव बिथाडा गावनि नख'रजों जेसेबां हायो एसेबां सम बारहोनो लुबैयो। आथिखालाव कहलिआ आइ.पि.एल. 2025 आव गेलेगासिनो दं आरो बिथांनि थांखिया गावनि हान्जा रयेल चेलेन्जर्स बेंगलुरुखौ गावसोरनि गिबि बिमुंसिम दैदेननाय।